

Fin di welga di hamber sin niun meta cumpli



ORANJESTAD -- Prome minister Mike Eman a termina su welga di hamber ayera tardi. A pesar cu e no a logra haya un firma di gobernador Fredis Refunjol riba presupuesto 2014 of un revocacion di e KB cu Reino a pone riba gobernador pa no firma, e prome mandatario a bisa cu e riesgo cu el a tuma, tabata bale la pena.

Les a e detayenan riba pagina A2

Avion di
Malaysia
Airlines tira
na Ucraina



KUALA LUMPUR, Malasia (AP) -- Ayera un avion di Malaysia Airlines cu a sali for di Amsterdam pa Kuala Lumpur, Malasia, a cay na e parti oost di Ucraina. Cu 283 pasahero abordo, mas 15 miembro di tripulacion, un total di 154 tabata Hulandes. Segun premier Rutte, Hulanda lo haci tur cos pa haya sa e intencion tras di e caida aki. Investigacionnan ta andando.

Les a pagina A23

Deficit mensual di 25.000 florin



ORANJESTAD - Awe fundacion Saba cu ta encarga cu cuater cas di cuida pa hende grandi tin un reunion grandi pa busca alternativa pa haya fondo necesario. Solucionnan creativo, ta necesario.

Manera conoci, tur caminda fundacionnan ta sufri pa motibo cu gobierno a corta riba subsidio y for di cuminsamento di aña aki Saba ta ricibiendo 10% menos.

Les a pagina A3

RECOMPENSA !!

A ser horta na Seroe Blanco, Regent's Park. E ladronnan a logra hiba varios articulonnan y joyas cu Balor sentimental. Un apelacion ta bay na cualkier persona cu por sa algo cu lo conduci na recuperacion di e joyasnan y otro articulonnan.

Lo tin recompensa grandi. Please tuma contacto cu Sra. Ilienne Mansur na celular 5922494 of 7333111, of departamento di recherche.

**2 FOR 1
ON BLANKETS
(COBIJAS)**

**FRIDAYS
AND
SATURDAYS**



uro Laundry

L.G. Smith Blvd 108

Tel: 5834642

Monday to Saturday 7AM-6PM



Bo cadena
di numbernan
di suerte ta duna
e number di awe

Sorteo di 17 Juli 2014



15 17 25
28 32 35 J



2 0 0 1

Signo: Virgo



3 5 4 6



8 9 1 3
8 3 1 1
7 2 8 5



03 11 13 22
24



12 19 24 25
Mega Ball 04



9 2 3 9
6 6 4 0
3 4 5 2

DIARIO

1 0 2 0
4 6 0 5
2 1 3 5

SUPER
4

2 6 1 3

12 Juli 2014



2 4 14 16
44 48 X3

\$6 MILLION

11 Juli 2014



9 13 30 35
69 10 X5

\$41 MILLION

"Dialuna tin claridad"

Fin di welga di hamber di prome minister sin niun meta cumpli

ORANJESTAD

Prome minister Mike Eman a termina su welga di hamber ayera tardi. A pesar cu e no a logra haya un firma di gobernador Fredis Refunjol riba presupuesto 2014 of un revocacion di e KB cu Reino a pone riba gobernador pa no firma, e prome mandatario a declara cu a bale la pena pa core e riesgo cu el a tuma.

Ayera a cuminsa cu entre otro ministernan haciendo un yamada pa siguidonan yega Fort Zoutman y intensiva e protesta cu ya caba tabata drentando su di seis dia. Manifestantenan a bin cu weya pa bati y te hasta un a tira un klapchi. Polis a yega na e sitio y a pone ordo. Tabata den oranan di atardi, ora cu prome minister Eman a sali for di su tent banda di Fort Zoutman y a crusa caya pa drenta gabinete di gobernador. Poco rato despues, gabinete a emiti un comunicado di prensa den cual a anuncia cu no aki dos siman pero dialuna awo caba gobernador Fredis Refunjol lo ricibi e quickscan cu secretariado di College Financieel Toezicht (CFT) ta trahando riba presupuesto 2014. Manera conoci, for di diamars caba secretariado di CFT ta haciendo su investigacion, cu apoyo di Raad van Advies y Algemene Rekenkamer.

Dialuna awo

E comunicado di prensa ta duna di conoce cu gobernador Refunjol ta 'hopi preocupado pa e situacion di pais cu no por y no mag continua'. "Den interes di Aruba y su poblacion gobernador a empena su mes pa haci e proceso di investigacion mas cortico. Ta conoci cerca Gobernador cu e ministernan a para firme pa yega na un solucion. Pa es motibo aki un reporte preliminar lo ta cla riba dialuna 21 di juli y esaki lo ser entrega na gobernador. Basa riba e reporte preliminar gobernador di Aruba lo duna claridad riba e mesun dia tocante e firmamento di e presupuesto di pais Aruba pa aña 2014 segun e orden huridico vigente den Reino Hulandes", segun e comunicado. Esaki



basicamente kiermen cu dialuna gobernador Refunjol por dicidi tambe pa manda presupuesto pa Raad van State evalua y posiblemente manda Rijkswinsterraad pa destrui'e. Sinembargo, prome minister Eman a sali hunto cu gobernador Refunjol for di su gabinete, a dun'e un abraso fuerte ya declara cu gobernador a priminti'e cu "dialuna tin claridad". Na momento ey tambe, e prome mandatario a duna di conoce cu 'awe si e ta bay come algo', pues su welga di hamber a termina.

Ambiente di hubilo

Eman a gradici tur esunnan cu a para hunto cun'e, di esunnan cu a yuna hunto cun'e, Dios y su señora esposa, te na ministernan y parlamentarionan di AVP. Tambe el a tuma su tempo pa duna muestra di su malcontento cu na Hulanda a tranca nombramento di Mito Croes den Raad van State. Despues su auto a hib'e cas na unda e lo a wordo controla pa un dokter. Ambiente dilanti Fort Zoutman tabata uno di hubilo, pero tambe a cuminsa haci e hofi banda di entrada di fort limpi. Un di e prome cosnan pa bay tabata e mesa na unda hende por a firma e asina yama 'mocion di pueblo den cual ta urgi gobernador pa firma y gobierno di Hulanda pa kita e KB. Bon Dia Aruba no a haya oportunidad pa puntra cuanto firma a logra haya finalmente. Ayera a publica cu un cantidad di 8000

firma a wordo logra, pero for di fuentenan cerca por a compronde cu e cantidad berdadero no a yega 4000.

Preguntanan

Final di e welga di hamber di prome minister Eman ta laga un par di pregunta clave. Por ehempel, kico exactamente a conduci pa prome minister Eman termina su welga mientras cu basicamente el a sali for di gabinete di gobernador cu man bashi, sin niun garantia cu presupuesto lo wordo firma? Hecho tabata cu for di antayera negociacionnan riba nivel di ambtenaar a keda muestra di ta tranca. Ademá e tiroteo fatal na aeropuerto di Corsou a causa pa medionan internacional desvia nan atencion pa eynan. Prome minister riba dje a haci diferente entrevista caba cu medionan Hulandes. Kisas e avion di Malaysian Airlines cu a cay na Ukraina, matando 154 Hulandes a percura cu e accion na Fort Zoutman, cu localmente no tabata atrayendo mucho hende, lo no por haya atencion internacional mas y pesey lo a dicidi - considerando salud di prome minister tambe - pa termina e accion. Finalmente mester tuma den consideracion tambe hecho cu Grupo di Shete tin nan manifestacion contra gobierno awe y cu lo ta prudente pa evita un confrontacion. Kico lo bay pasa si gobernador dicidi dialuna awo pa no firma y manda presupuesto pa Hulanda toch, no ta conoci.

Reaccionnan

Mientras tanto politiconan tambe a duna nan reaccion riba fin repentino di e welga di hamber di prome minister di Aruba. Lider di fraccion di AVP, Rene Herdê, ta bisa Bon Dia Aruba cu prome minister Eman lo no a stop cu su welga di hamber si e palabracionnan cu a haci cu gobernador no ta un win-win pa Reino y pa Aruba. "Loke e win-win lo mester encera ta cu autonomia cu Hulanda a viola ta wordo para. Raad van Advies lo mester determina si tur loke Hulanda a haci tabata legal. Tin claridad ki dia e presupuesto cu Hulanda a pone Gobernador secuestra lo wordo firma. Hulanda a secuestra e presupuesto y den e periodo ey a forsa un investigacion como si fuera nos tin algo di sconde. Nos lo mester warda dialuna pa wak e detayenan." Riba pregunta kico Aruba a gana cu e welga di hamber, Herdê ta bisa cu por wak e di otro forma tambe. "Kico tur Reino a perde door di viola constitucion y statuut, viola derecho di presupuesto di parlamento di Aruba, reduci gobernador na un instrumento di poder Hulandes bruto y sin contenido real. Tur loke Hulanda a logra awor- informacion riba financia publico - nan por a haya sin tur e daño cu nan a causa na Aruba y na Reino. Den politica esey yama diplomacia, confiansa mutuo y respet pa ley." Lider di MEP Evelyn Wever-Croes di su banda tambe ta contento cu prome minister Eman a termina su welga di hamber. "Awor nos por bay atende cu e problemanan real di nos pais atrobe." Segun lider di MEP nada positivo a wordo gana. "Pero si nos crisis financiero a escala pasobra e 'uitstel' a pone e debenan bira mas halto. e crisis constitucional a bira hopi mas serio y e relacion cu Hulanda ta totalmente destrui. Ademá e welga aki a sali hopi hopi malo pa Mike Eman y pa partido AVP. Finalmente Andin Bikker, lider di PDR, a tene su respuesta cortico: "Den mi concepto e accionnan di e siman aki no a yuda cu mucho. If anything, al contrario el a laga e relacionnan entre Aruba y Hulanda sigui deteriora." □

Tur luna ta falta 25.000 florin

Saba buscando alternativa pa financiacu cuido di grandinan

ORANJESTAD - Awe fundacion Saba cu ta en-carga cu cuater cas di cui-do pa hende grandi tin un reunion grandi pa busca alternativa pa haya fondo necesario. E situacion fi-nanciero ta asina cu mes-ter solucion alternativa pa por paga tur gastonan.

Solucionnan creativo, direc-tor Hans Rokebrand ta bisa, ta necesario den tempo cu e ta cualifica como dificil. Manera conoci tur caminda fundacionnan ta sufri pa mo-tibo cu gobierno a corta riba subsidio. For di cumienso di e aña aki nan a ricibi 10% menos subsidio pa motibo entre otro cu e presupuesto 2014 no ta cla. Ora e presu-puesto a yega parlamento por a mira cu gobierno a corta riba e sumanan di subsidio di casi tur fundacion. Aunke no a corta riba salario, esaki toch tin su consecuencia pe fun-dacionnan. Pasobra nan si ta haya menos placa pa explota-cion (operacion).

Corta subsidio

Pa Saba esaki ta nifica cu nan mester corta un 300.000 flo-rin pa luna. “Nos ta haya mas pa salario (1 miyon) pero es-aki ta pa motibo di gastonan pa pension cu a subi.” Pues no ta bay por ehemplo pa mas salario pa personal. Sr. Rokebrand ta bisa cu ta falta 14 trahado, dunado di cuidu, cu te ainda e fundacion no a logra di haya. E motibo ta cu gobierno ta tarda un mey aña pa hasta un aña pa formalisa e contracto of ‘aanstellings-besluit’. “Esaki ta hopi fastio-so mientrastanto nos mester di e hendenan aki.” A pun-tra si e fundacion por tuma mas hende awor cu gobierno ta corta tur caminda. “Tin un decreto cu ta stipula 301 puesto, pues e cantidad aki nos por tuma den servicio.”

Falta personal

Pa motibo di falta di person-al, tin seccion cu no ta tuma hende pa motibo cu e funda-cion no por garantiza e cuidu. “Nos tin basta habitante cu mester 100% di cuidu, paso-bra nan no por como, bebe of baña nan mes.” Pues e lista di espera ta sigui crece. Tin mas o menos 175 persona riba e lista aki y tin un avarahe di un aña minimo prome Saba



tin luga pa nan den un di su cas di cuidu. Aunke semper tin luga pa casonan urgente cu ta wordo determina pa un comision di indicacion cu ta consisti di representante di mas instancia manera Depar-tamento di Asuntonan So-cial, hospital, Wit Gele Kruis y Saba mes.

Reserva ta cabando

Temponan dificil, manera sr. Rokenbrand ta bisa. Awe manera menciona tin un re-union planea pa discuti kico por haci loka ta e situacion financiero. Tur luna tin un deficit di 25.000 florin. Te awor Saba ta uzando un suma di reserva. “Mayoria di fundacionnan tin un reserva pa tempo dificil. Awor ta e tempo dificil. Pasobra un fundacion nunca por permiti di bay bancarota.” E director no sa ainda cua medidanan lo bay tuma. Porta nan ta spaar riba gastonan coriente, haci compras mas barata. “Pero esaki nos ta haciendo caba.



Semper bo ta keda toch cu e gastonan coriente manera cuminda y electricidad.”

Panel solar

Gastonan di electricidad ta haltu, Saba ta paga mas o menos 400.000 florin anual-mente. Pero tin bon noticia tambe di parti di gobierno, segun e director. St Michael Paviljoen na Playa (hospital

bieu) ta haya panel di solar, cu ta un proyecto di gobier-no. “E luna aki nan a yega na Aruba. Mi no sa ki dia gobi-erno lo instala nan pero esaki sigur ta yuda hopi pa baha nos gastonan.”

Pero cu e cortamento di go-bierno den e subsidio y cu den futuro cercano no por spera hopi mas for di go-

bierno, Saba mester busca otro alternativa. A bisa caba cu porta nan ta bay pidi un contribucion di e clientenan pa asina por cubri e gastonan operacion. “Pero nos ta war-da di implementa esaki pa-sobra esaki ta hopi dificil. E clientenan no tin hopi placa, cada luna un 60 florin, y awor nos kier pidi un parti tambe. E ora no ta resta nada pa nan por cumpra paña. P’esey nos ta warda cu e medida aki.”

Ora un cliente ta bay biba den un cas di cuidu di Saba, e mester entrega su pension pa gobierno. Esaki ta wordo uza pe paga e gastonan di cuidu, cuminda y residencia. Tambe e ta haya un suma chikito como ‘zakgeld’ cada luna. Pero awor e casnan di cuidu ni ta haya suficiente di gobierno pa paga tur gas-tonan di nan clientenan. Di otro banda Saba no por tuma mas cliente pasobra e proce-dura di tuma henda ta tarda hopi, manera menciona.

Como Saba ta un fundacion e por busca otro entradanan, fuera esun cu ta haya for di gobierno di Aruba. Por ehemplo por busca subsidio otro caminda. Pero te awor Saba ta depende full di go-bierno aunke director Roke-brand ta bisa cu nan ta haya donacion. “De bes en cuando nos ta haya un donacion y claro nan ta yuda. Tur dona-cion ta bonbini. Pero esaki ta pa paga cosnan chikito te-niendo cuenta cu nos finan-za di 18 miyon pa aña.” Cu donacionnan Saba por paga por ehemplo un cama, rol-stoel, cosnan cu nan no por paga for di nan presupuesto ‘normal’, sr. Rokebrand ta bisa.

Director nobo

Pero den e reunion di awe e fundacion si ta bay busca pa alternativa. Nan mester, segun e director, pasobra e situacion aki no ta sosteni-bel. Sr. Rokebrand mes no ta bay keda mucho tempo mas tampoco. Den e ultimo simanan por a mira avisonan den corant unda ta busca un director nobo. “Mi no ta bay ainda, te otro aña mei. Pero nos ta cuminsa trempa pa motibo, manera bisa, cu ta tarda hopi pa gobierno ta tuma decision.”

BON DIA <i>Aruba</i>
Editor
Caribbean Speed Printers N.V. Aruba Bank N.V. Acc. #332668 Caribbean Mercantile Bank N.V. Acc. #23951903 RBC Royal Bank Acc. #1330772
Sub-Gerente Editorial
Sharina Henriquez (Hefe) Dionne Fradl-Jie Sam Foek
Redaccion
Lia de Cuba Margarita Els
Redactor Deportivo
Nathalie Winterdaal
Colaborador
Oscar Vidal Raymond Hoek
Fotografo
Dino Tromp Maritza Tromp- Lacle
Ehecutivo di Benta
Brigitte Wauben (Hefe) Marijke Croes-Luidens Mark Gomes Gwen Wever
Diseño Grafico
Michael Arendsz
Aviso y Arte
Sandra Loefstop Lando Rafael Gladis Palomino Silva Robert Cortez
Administracion
Xiomara Arends (Hefe) Mariette Engelhart (Hefe di personal) Martha Arteta de Ariza
Distribucion
Jenny Kelly
Collecion
Evelinda de Cuba - Tromp
Pre Press
Luis Fernando Arenas (Hefe) Pablo Libre
Press
Roland Schenker (Hefe) Omar Ramirez Martin Boekhoudt Yair Gambin Francis Dirks
Agenda di Noticia
Associated Press New York Press
Afiliacion
Sociedad Interamerica di Prensa (SIP)
DIRECION
Weststraat #22 Tel: 582-7800 / Fax: 582-7044 email: noticia@bondia.com BON DIA ARUBA Ta un Corant redacta y imprimi na Aruba y ta obtenibel di Dialuna te cu Diasabra. Ningun contenido por wordo reproduci sin permiso di Editor. www.bondia.com

Editorial

Democracia adulto

Den un siman unda nos isla ruman a wordo lanta bruto pa un tiroteo stilo gangster y 154 Hulandes (te awor) a muri den un avion cu a wordo tira abou na Ucrania, porta un welga di hamber di un prome minister no ta asina interesante mas. Un colega den prensa a bisa cu un team di un medio di comunicacion Hulandes grandi a cancela di cubri e welga ora e noticia a dreña di e avion. Pues e speculation a bin lihe cu un tin di haber cu otro.

Un cos si tin di haber cu otro

y ta na final ta parlamento di Aruba atrobe mester haci su trabou. Lastimamente nos parlamento no ta yena cu parlamentario manera Andin Bikker, un politica y partido pro solucion manera el a bisa e ultimo dlanan aki. Cu un actitud asina e y su partido mester crece e promixo añan como e cara di e movicion nobo cu tambe ta creciendo di ciudadanonan cu no ta guli e cuki politico sin mas.

Kico nos a gana prome y despues e welga di hamber?

Prome minister Mike Eman y e otro miembronan di su gabinete, sostenedo ta muestra cara di victoria. A gana algo pasobra 'dialuna lo bin claridad'. Pero no ta cla cua claridad. Ta wordo bisa cu tin di haber cu e 'quick scan' di e presupuesto cu basicamente ta cla caba pasobra Raad van Advies (nos Raad van State) a haci e caba. Bon Dia Aruba finalmente a ricibi un copia di un carta cu gobierno a manda diabierna pasa na su departamentonan pa instrui di no colabora cu e investiga-


cion. Pues como ambtenaar no mag y por ta un motibo di retiro. Den e carta tambe tin un relato na Hulandes y Papiamentu, pero esaki nunca a wordo manda pa prensa.

Pues no ta cla kende y cuanto ta coopera cu e investigacionnan. Raad van Advies si ta cooperando for di comienso di e siman caba, segun fuente fidedigno. Pero si e investigacion no a wordo cancela, si gobernador no a firma e presupuesto di 2014, si nos no a haya nos autonomia bek, kico a wordo logra?

Porta nos no mester busca e contesta. Pa evita un desviacion di e problemanan real, manera nos a conoce den e ultimo shete dia. El a bira irrelevante. Tin otro discusion mas importante. Con nos por haya nos autonomia bek? Con nos por reenforza nos organonan legislativo manera parlamento, Raad van Advies y con nos por yega na un presupuesto balansa realistico.

Den e discusionnan aki semper tin spacio pa duna hende un di dos chens. Especificamente hende cu ta nobo den nan funcion. En general den un conflicto ambos partido a haci error. Pa yega un solucion, manera sr. Bikker a pidi varios biaha paden y pafo parlamento, ambos por admiti kico no mester a haci/ bisa y despues sigui traha pa un solucion riba un stoma yen.

Te awor nos no a perde nada. Pero nos no tin mucho tempo mas. Bida ta sigui y fundacionnan y otro instancianan, comunidad, no por warda mas. Spera cu gobierno a hala su carta aden y instrui su empleadonan pa yuda mas lihe posibel cu e investigacion pa nos haya e resultadonan lihe. Si mester cambio den e presupuesto, toch mester bay bek parlamento. Ta di spera si cu parlamento ta haci su trabou awor y no ta vota pro of contra pa motibo di interes di nan partido of lidernan. Pero lo vota pa nos democracia funciona miho. Asina nos ta cumpli cu nos autonomia, un democracia adulto. □



Regering van Aruba

Secretaris
Gouvernement

L. G. Smith Bldg. 76
Oranjestad, Aruba
Tel. (297) 582 4900
Fax. (297) 582 7582

Aan alle directeuren en hoofden van
directies, diensten en bureaus, stichtingen en
overheids-n.v.'s

SMR / 1096 / 2014 *11 juli 2014* 11 juli 2014

Beslissing Ministerraad van het Koninkrijk 11 juli 2014

Aan de hand van het besluit van de Ministerraad van het Koninkrijk in zijn vergadering van 11 juli verklaart de regering van Aruba dat geen enkel Arubaans landsorgaan zal kunnen meewerken aan de uitvoering van besluiten die apert in strijd met het Statuut voor het Koninkrijk der Nederlanden en rijksregelingen zijn genomen. Artikel 48 van het Statuut verbiedt dit uitdrukkelijk.

De Gouverneur van Aruba, alle Arubaanse ministers en Statenleden, alsmede ambtenaren van Aruba hebben een eed van trouw aan het Statuut afgelegd en ook gezworen dat zij de Staatsregeling van Aruba steeds zullen blijven onderhouden.

Het betreffende besluit van de ministerraad van het Koninkrijk heeft derhalve naar oordeel van de Arubaanse regering geen rechtskracht.

De regering van Aruba zal heden nog in overleg treden met de Staten van Aruba.

De minister-president van Aruba,
mr. M.G. (Mike) Eman

Clientenan cu Ford Escape y Mercury 2008 - 2011

R.E. Yrausquin ta haci “recall” pa sistema di Electric Power Steering

ORANJESTAD - R.E. Yrausquin & Sons como agencia di auto Ford y Lincoln, ta avisa doñonan di e modelo Ford Escape of e modelo Mercury Mariner di aña 2008, 2009, 2010 y 2011 di un “recall” relaciona cu e sistema di “Electric Power Steering” di e vehiculonan aki.

R.E. Yrausquin & Sons ya a cuminsa yama clientenan cu ta riba nan lista di datonan. Sinembargo tin doñonan di Ford Escape y Mercury Mariner di e añanan mencionan anteriormente, cu kisas no a comunica cambio den nan informacion di contacto pa diferente motibo, entre otro pasobra nan ta e di dos doño di e auto, of kisas nan a trece nan auto di exterior, cu



ta haci cu R.E. Yrausquin & Sons kisas no tin nan informacion.

Safety Recall debi na fayò
No ta tur e vehiculonan ta afecta pa e Safety Recall. Ford Motor Company ta splica cu ta trata di vehiculonan cu a wordo traha na e Kansas City Assembly Plant for di Job

#1, 2008 te September 11, 2010. E motibo pa e “recall” aki ta, debi cu ta posibel cu e sistema di power steering por cambia pa manual steering mode, esaki ta wordo causa pa un fayò den e sistema di Electric Power Steering, cu ta relaciona na e torque system.

Ta importante pa tuma con-

tacto cu R.E. Yrausquin & Sons, si e vehiculo a wordo cumpra aki of no. Nan ta percura pa haci e trabao di reparacion necesario gratis pa e doño di auto, si resulta cu e vehiculo ta parti di e “recall”. Esaki e garashi ta haci pa medio di e “Diagnostic Trouble Codes” (DTCs) di e auto.

Ora cu e auto pasa di power steering pa manual steering, e conexion entre e stuurwiel y e “road wheel” ta keda manteni, y pues e chauffeur ta keda cu control. Loke e fayò ta causa ta, un problema cu maneho di e auto, ora e chauffeur ta coriendo na un velocidad abou, e stuur ta bira mas los y aki ta aumenta e risico pa haya of causa un accidente.

Internacional

Segun inoticia ricibi for di pagina internacional the car connection, segun Ford e problemanan ta afecta 736,407 mil modelonan di Escape y Mariner na Merca, 177,747 di Canada, Mexico y teritorionan Mericano. E cantidad total ta riba 1.1 milyon vehiculo. □

Vandalismo na scolnan durante vakantie ta contiua



ORANJESTAD - Antiso-
cialnan diahuebs den or-
anan di marduga a haci
bishita na Reina Beatrix
School pero e bishita aki
ta pa comete vandalismo
na e scol. E cabesante di e
scol y polis tabata presen-
te ya cu a comete kiebro.

Manera nos matutino a sa di publica, E scolnan ta altanto cu durante vakantie personanan cu mal intencion ta probecha di e situacion. Ladronan un biaha mas a dicidi di

comete actonan cu ta perhudica nos enseñansa di nos muchanan.

Por a tuma nota na Reina Beatrix School cu na e heronan na e bentana pafò di e scol a wordo corta. Den un klas nan a drenta y horta basta material di les. Polis a tuma informacion di e situacion y di locual e cabesante a declara. E caso aki lo sigui bou investigacion na departamento di recherche.

Den nos matutino e siman aki ya nos a menciona number di algun otro scol cu a bira victima di ladronia den vakantie. Bon Dia Aruba a purba tuma contacto cu Skoa, pa haya un reaccion di con esaki ta afecta e scolnan como cu ya e scolnan ta cera. Manera nos ricibi e reaccion di Skoa pa e situacion di vandalismo lo nos publica esakinan den nos matutino.

Opinion cu Bon Dia Aruba por a ricibi recientemente



for di Vocero policial Liliana Croes - Rasmijn ta, cu polis ta haci nan controlnan rutinario den bario y ta tira bista naturalmente na e scolnan den e bario. “No ta asina cu ta control e scolnan especificamente, sra. Croes - Ras-

mijn a bisa Bon Dia Aruba.

“E scol mester percura pa seguridad na e scol, camara of e cachonan pa cuida den e cura na momento cu ya no tin niun hende na e scol”, sra. Croes - Rasmijn a finalisa. □

Ilegal of no

Si compania no ta paga impuesto, trahado toch ta responsabel

ORANJESTAD – Continuando e investigacion di e trahadonan ilegal cu a wordo deteni trahando na hotel ex Westin, Bon Dia Aruba a entrevista vocero di Servicio di Impuesto (Siad) Meverly Romano, tocante e influencia cu ‘zwart werken’ (traha sin paga impuesto of prima) tin riba e cumplimento cu impuesto.

Sra. Romano a bisa, cu e no ta distingui trahado ilegal pa motibo cu e no tin permiso pa traha na Aruba, for di trahado legal Arubiano. “Unabes cu bo ta trahando sin cumpli cu e debernan di impuesto manera AOW, AOV, inkomstenbelasting, loonbelasting, pa menciona algun, bo por haya bo mes den problema cu impuesto”.

No tin cifra

Bon Dia Aruba a puntra sra. Romano si tin cifra di e cantidad di persona cu ta traha ‘zwart’ na Aruba den e transcurso di aña, pa por compara esakinan, y mira si tin un aumento of si e cifranan a baha. Sra. Romano a bisa cu no ta registra e cantidad aki, Siad ta traha a base di e controlnan cu nan

haci na e diferente companianan rond Aruba.

Contesta na e pregunta, cu si tin un sector unda ta constata mas hende trahando “zwart”, sra. Romano a bisa cu den i construccion y limpieza ta unda cu hende ta traha mas tanto biha sin paga impuesto.

Dunado di trabou responsabel

Un persona cu ta ilegal na Aruba, of cu no tin permiso pa traha na Aruba, por wordo uza pa contratistanan pasobra nan no ta registra y e compania no ta paga e impuesto pa cada trahado. Den un situacion asina, e contratista ta responsabel pa paga e impuesto di e trahadonan.

Na momento cu Siad ricibi un tip, cu

posiblemente por tin personanan trahando ilegal un caminda, Siad ta cuminsa un investigacion. Fiot ta e grupo encarga cu investigacion di personanan trahando ilegal y companianan cu ta emplea trahadonan sin cu ta cumpli cu e pago di impuesto. “Prome cu e grupo Fiot wordo dirigi na un compania, nan ta haci un bon investigacion for di tur angulo”, sra. Romano a splica.

“Importante pa sa ta, cu un empleado tambe por wordo teni responsabel pa motibo cu e ta trahando y e sa cu su dunado di trabou no ta cumpli cu e pago di impuesto, un empleado por mira esey por ehempel riba su payslip, of si e no ta ricibi payslip.”

Sra. Romano a bisa cu e ta recomenda tur hende cu tin sospecha cu e compania cu e ta trahando p’e no ta pagando impuesto, pa e presenta personalmente na Siad, of e por tuma contacto telefonicamente.

“Esey ta locual cu por scapa e empleado si un dia despues cu investigacion wordo haci, unda demostra cu e no a paga belasting, cu el a purba di su banda pa declara esaki”, segun sra. Romano. □



Ultimo seis luna

Atia contento cu desaroyo di turismo, pero no ta suficiente

ORANJESTAD – Tur cos ta mostra, cu ta danki na nos turismo, esaki a mantene Aruba unda e ta awe y cu e turismo di Aruba ta algo cu mester cuida. Pero mester keda enfoca riba diversificacion di nos economia, locual no ta facil.

Durante un entrevista cu presidente di asociacion di dunado di trabou Atia, Ronald van Trigt, a duna di conoce con e prome 6 luna di aña a bay pa Atia su miembronan.

“Locual ta hopi importante si bo wak e situacion for di e banda positivo, pero cu naturalmente tin su banda negativo tambe”. Sr. Van Trigt ta referi na crecimiento di economia cu ta basa riba nos turismo. “Nos turismo ta, te awo, haciendo un bon trabou, nos a crece tambe den e prome mita di aña. Turismo ta entre 80 pa 85 por ciento di



nos economia, esaki ta algo positivo, pero ta keda un peliger pa nos economia.”

Diversificacion ta importante Diversificacion den e mesun industria aki y den otro industrianan ta hopi importante pero no facil, e ta bisa. Den e ultimo añanan aki, inversionnan di gobierno a percura tambe pa un cierto crecimiento den nos economia, y

tabata tin proyectonan plania tambe cu naturalmente a percura pa cierto crecimiento den nos economia keda tuma luga, sr. Van Trigt a splica.

“Nos ta wak un aña caminda mas cu tur nos hendenan ta un poco insegur, inseguridad ta trece cu ne, cu hendenan tin menos curashi pa tuma cierto riesgonan y e situacion reinante no ta contribui na

siguridad na e pais”.

Confianza

Sr. Van Trigt tambe elabora riba e situacion cu banconan no ta mucho habri mas manera antes. Awendia un persona mester cumpli cu un cantidad di requisito prome cu e por bin na remarca pa haci un prestamo pa habri un negoshi chikito.

A puntra sr. Van Trigt, si Atia si ta sinti cu mester yega na un cooperacion cu banconan pa nan ta mas flexibel pa yuda un hende local yega na habri su mesun negoshi. “Naturalmente esaki ta un situacion logico, nos ta mira cu banconan ta hopi conservativo den nan decisionnan. Nos mester corda cu nan ta traha cu capital priva, ta nan mesun placa e ta. Unabes a reestablece e confianza cu nos mester den nos economia, y nos reestablece un cierto vision cu ta duna nos un estabilidad economico, mi ta kere

cu e banconan lo sigui pone confianza den otorgamento di prestamonan.”

E ta sigui cu: “Hopi biaha ta papia di sector priva. Pero mester corda cu hotelnan tambe ta sector priva, hotel ta inversionistanan priva. Mi ta kere, si nos wak e inversionnan cu hotelnan a haci e ultimo añanan aki, cu ta encera cambionan grandi den infraestructura. Por ehempel RIU Hotel, cu ta haci un inversion di 400 milyon florin, locual ta parti di industria turismo, ta reflega cu nan si ta sigui kere den Aruba.”

E presidente si ta ripiti cu e preocupacion awor mas grandi ta keda e situacion politico, awor cu e relacion entre Hulanda y Aruba a dañá. Nos mester di estabilidad politico y estabilidad comercial pasobra, esaki ta crea incertidumbre pasobra hopi di inversionistanan aki ta di afo, sr. Van Trigt ta finalisa. □

Siad ta duna splicacion di ley di impuesto nobo

ORANJESTAD- E ordenansa nacional responsabilisacion di impuesto a drenta na vigor luna pasa, y ayera Departamento di Impuesto (Siad) a duna un splicacion di e consecuencianan.

E reglanan nobo tin como meta, cobra prima y belasting di seguro social mas eficientemente, segun vocero di Mervely Romano. E ley aki ta uno cu su impacto riba diferente grupo den comunidad. E ley aki, ta trata 7 tipo di responsabilisacion pero ta bay toca e 3 nan cu ta mas importante, cu e ley aki ta menciona: Responsabilisacion pa dirigente di un empresa, contratista y esunnan cu ta haya empleado temporario na nan disposicion.

Dirigente di empresa

Pa dirigente di empresa cu ta un persona huridico (directornan di un N.V.), pero tambe pa directornan di empresanan cu no ta huridico, cu ta conoci como un maatschap (socionan), e ley tin su consecuencia. E dirigentenan aki por wordo poni, a base di e ley aki, solidariamente responsabel si e empresa mes no por paga su belastingnan y tambe e primanan di seguro social. Antes e tipo di responsabilisacionnan aki ya caba tabata existi den e leyman di winstbelasting, loonbelasting y AZV, e vocero ta splica. Pero actualmente a incorpora e stipulacionnan aki den e ley nobo, conhuntamente cu tur otro tipo di belasting.

Esaki por tin un impacto hopi grandi riba e director, cu tin e maneho diario di e empresa. Pa e motibo aki ta hopi importante pa tur director di un NV ta na altura cu nan por wordo poni responsabel pa tur tipo di belasting di e empresa cu nan ta maneha, sra. Romano ta enfatisa. Locual un director di un NV por haci pa reduci su responsabilidad ta, pa avisa departamento di impuesto cu e empresa no ta den un situacion cu e por paga su debenan di belasting of su primanan di seguro social. Pa e impuestonan aki mester haci e pago no mas tarda cu dia 15 di tur luna. E ley a drenta na vigor dia 1 di juni, e ora esaki kiermen, cu e dia pa paga esaki a caduca dia 15 di juli. Despues di esey e directornan tin 2 siman pa declara esaki. Nan tin e ora, te 30 di juli.

Responsabel

Pa locual ta trata winstbelasting, si e cobranza a sali por ehempel dia 31 di maart, nan tin dos luna pa haci e pago. Ora e dos lunanan aki pasa, e empresa tin 2 siman pa avisa departamento di impuesto. Pa e empresanan haci e aviso aki na Siad, ta hopi importante pasobra si nan no haci esaki nan ta core e riesgo grandi di wordo poni responsabel pa tur e debenan di e empresa.

Pero e echo cu un empresa declara esaki, no ta kita nan no ta exonera di e debenan fiscal. E debenan di impuestonan ta keda valido, sra Romano ta bisa. E director mester haci e aviso dentro di dos siman y e mester duna un splicacion amplio di e motibonan pa cual e empresa cu e ta manehando no ta den condicion pa haci su pagonan y verifica esaki cu tur e documentonan necesario, kisas cartanan di banco etc. Anto departamento di impuesto tin un formulario, uza specialmente ora di uza e aviso aki cu yama "melding betalings problemen". E formulario aki ta disponibel riba e website di Siad.

Ora e aviso wordo evalua, e prome pregunta ta cuanto tempo e empresa por haya pa paga e debenan atrasa. Esaki ta varia dependiendo e situacion di cada empresa, segun e vocero.

Despues Siad ta saca un decision oficial, como contesta si e aviso ta valido of no valido. Si a meld na e manera corecto y na tempo, cu e empresa no por paga, e ora por papia di un aviso valido. Den e caso aki, Siad mester prueba cu e incumplimento di pagamento di belasting y primanan, ta pa falta di maneho of maneho indebido. Si no meld corectamente y na tempo, ta papia di un aviso cu no ta valido.

Contratista

E responsabilisacion pa contratistanan tin como meta, preveni cu subcontratistanan ta haci mal uso di contratonan di trabou, pa asina no cumpli cu nan deber di paga loonbelasting y primanan di seguro social. Manera hopi biaha ta e caso den sector di construccion of turismo. Si un contratista encarga ehecuion di un trabou sea completamente of parcialmente na un otro persona (cu no ta den su servicio), e otro persona (empresa) aki ta

su subcontratista.

E ora e contratista ta solidariamente responsabel pa e loonbelasting y e primanan cu e subcontratista mester paga. Si un subcontratista encarga e trabou sea completamente of parcialmente na un otro, e ora e contratista (principal) tambe ta solidariamente responsabel pa e loonbelasting y primanan di e otro subcontratista ey y di eventual subcontratistanan cu sigui. Contratistanan di afo cu ta laga ehecuta un trabou na Aruba, tambe por wordo poni responsabel pa e loonbelasting y primanan cu e subcontratista no a paga. E subcontratista aki mester paga loonbelasting y prima na Aruba en conexion cu e trabou ey. Pa e motibo ey mester tene bon na cuenta ta cu ken ta cera contratonan di trabou, sra. Romano ta bisa.

Empleadonan temporario Responsabilisacion pa esunnan cu ta dispone di empleado temporario tin como meta, pa preveni cu esunnan



cu ta dispone di empleado temporario, ta haci mal uso di dunamento di trabou na otro pa asina no cumpli cu e obligacion di paga loonbelasting y primanan di seguro social.

Tin empresanan cu ta dispone di trahadonan temporario anto nan ta cera contratonan di trabou cu otro empresanan y nan ta pone nan empleadonan na disposicion, sra. Romano ta bisa. Por ehempel un persona tin empresa A y e mester di 3 trahado cu ta haci administracion pero empresa A no kier tuma 3 empleado den servicio, e ora compania A ta bay na un otro empresa cu si

ta pone empleadonan temporario disponibel.

Nan ta bin traha pa empresa A un periodo mientras nan ta keda den servicio di otro empresa. E ora empresa A ta cera un contracto cu e otro empresa caminda e ta pag'e un suma y e trahadonan ta bin traha bou mando di empresa A. Pero e cuentanan di loonbelasting ta keda core pa cuenta di e otro empresa. Awo cu e ley nobo aki, e ta haci posibel cu si acaso e empresa cu e contracto a wordo cera, no cumpli cu pagonan di impuesto y pagonan di e trahadonan cu a bin, empresa A por para responsabel pa tur e debenan aki, sra. Romano ta splica. □

Do it Center

10% OFF

Back 2 School

Bo a bai Over??
Trese bo rapport cu dos 8 of mas i ricibi 15% Descuento ariba bo compra pa School

Ariba cada compra pa school di Afl 50,= haya :

GRATIS !!
solamente na Do it Center Shaba

OfficeMax
TOTO
BAZIC

Mayoria victimanan di delitonan penal no ta mira cu tin husticia na nan banda

ORANJESTAD – Tin un desarojo interesante ta tumando luga den mundo di husticia penal cu ta pone uno pensa. Di un banda a traha leynan caminda ta pone castigonan pa e diferente delitonan cu ta sosode.

Di otro banda den e mesun ley ta pone cu mester tene cuenta cu diferente aspectonan den cual e delito a tuma luga. Por ehempel, mester tene cuenta cu e circunstancia den cual e delito a sosode. Mester tene cuenta cu e circunstancia personal di e acusado. Mester tene cuenta si ta prome of mas biaha e acusado a haci e delito. Si mira tur esaki, bo ta puntra bo mes, ley ta tene cuenta cu e victima?

Victima ta cana caminda di cruz

Den e mayoria di e casonan penal cu Bon Dia Aruba a cubri, por mira cu nunca e victima ta haya husticia manera realmente e ta desea. Un tempo un Fiscal di Hulanda a haci un tremendo trabou pa bin cu e asina yama “slachtoffers hulp” pasobra e Fiscal ey, mescos cu e pensamiento di hopi hende, ta haya cu e victima ta manera wordo poni un banda.

E victima mester cana un caminda di cruz pa haya ayudo. Den mayoria di caso, e victima ta keda traumatiza y no ta hayando e tratamento pa sali for di e trauma cu el a haya hustamente door di e malo cu e acusado a hacie.

Banda di esey, e victima mester bay mira con e ta bay haci pa drecha e daño cu el a sufri. Ta bon conoci cu hopi di esunnan cu a bira victima di ladronia, atraco, asalto, ta keda afecta. Tin di nan a

perde cosnan di balor sentimental cu nunca mas lo por haya. Un ehempel bunita ta un artista di renombre riba nos isla cu a bay tene conferencia di prensa pa asina e haya bek su pertenencianan cu a wordo horta for di su cas. Danki Dios el a bin haya su holoshi, aunke no den e estado cu e tabata.

No ta tur hende tin e capacidad y e manera pa tene conferencia pa haci apelacion na pueblo pa yuda y esey ta pone cu e victima ta keda den un situacion sumamente fastioso.

Cu hopi esfuerso a lanta e fundacion pa yuda esunnan victima pero a lo largo esaki a manera muri un morto natural.

Victima no ta haya husticia Ministerio Publico ta concentra mas den formula acusacionnan y presenta e

caso den Corte y exige castigo. Durante tratamento di e casonan por scucha Fiscalnan muestra riba seriedad di e caso y cuanto dolor y trauma a causa na e victima. Sinembargo e castigo cu Fiscal ta exige y a lo largo Hues ta dicidi kico e castigo ta bira, no ta haci realmente husticia na e famia. Hopi biaha den Corte sa scucha e victimanan bisa cu no por haci nada pasobra e acusado no tin manera pa paga bek e daño cu el a haci. Tin victimanan tur na yoramento pasobra nan a perde nan ser keru y e unico cos cu a base di ley nan por demanda, ta exige pa paga e gastonan di e entiero.

Hopi biaha Hues ta honra e demandanan di gastonan di entiero. E pregunta ta, con esaki lo wordo paga. Si e acusado mester bay sinta henter su castigo y despues ora e sali e mester bay busca

trabao, ta cuanto aña e victima ta keda sin sinti un tiki “husticia”.

Con ta para cu e trauma y otro problemanan cu e victima ta pasa aden? Hopi biaha e victima ta presenta cu prueba di tratamento cu e mester a haci na hospital y ta haci un demanda di daño pero den Corte e ta wordo muestra cu e gastonan medico mayoria biaha ta wordo cubri door di AZV y e demanda di daño mester bin cu masha bon argumento pa mira si por haya algo.

Si e victima haya placa mes, por bisa cu esey ta haci husticia? E parti material por bay tapa tur e dolor, sufrimento, inseguridad cu e victima tin door di loke inhustamente el a bira victima di dje? Si analisa tur esaki bon, ta realisa cu e victima no ta realmente haya husticia cu e ta desea. □

Abogado mr. Bryson ta splica

Un tata cu reconoce un baby pafor di matrimonio no ta haya custodia di e mucha

ORANJESTAD -- Abogado mr. Jurima Bryson di JB Advocaten, den un entrevista cu Bon Dia Aruba, a duna un splicacion interesante riba custodia di un mucha. Segun ley, tin reglanan stipula ki ora si y ki ora no un mama tin custodia di e mucha. Tambe e ley ta muestra cu un tata cu reconoce su yiu siendo cu nan no ta casa,

no tin custodia di e mucha. Sinembargo, tin un procedura cu por sigui pa pidi Hues un asina yama custodia comparti.

Kico segun ley ta custodia Mr. Bryson a splica cu segun articulo 1:247 di nos Codigo Civil, custodia ta encera e obligacion di un mayor pa cuida y cria su yiu menor di edad. Esaki ta encera entre

otro haci decisionnan den bida diario pa e yiu menor di edad. Por ehempel, cual skol e mucha ta bay, cual dokter e mucha ta bay. Tambe e ta encera, si ta laga e mucha saca paspoort of no.

Ken tin custodia di un mucha menor di edad Den Codigo Civil tin un splicacion basta cla, kende tin y kende no tin custodia di un mucha menor di edad. Mr. Bryson a muestra cu segun ley, nunca mas cu 2 persona por tin custodia riba un mucha menor di edad.

Pa un mucha cu nace dentro di un matrimonio, tur dos mayor hunto tin custodia di e yiu. Esaki ta e caso tambe si mayornan casa despues cu e yiu nace. A puntra e abogado, kico lo pasa den caso di un divorcio. E abogado mr. Bryson a splica cu den caso di divorcio, mayornan con hunto por keda cu e custodia di e yiu si Hues dicidi esaki durante tratamento di e caso di divorcio. Sinembargo por sosode cu Hues por dicidi cu despues di divorcio un di e mayornan so ta keda cu custodia di e yiu.

E asunto di custodia ta un poco fastioso, specialmente ora cu tin yiu den pareha cu no ta casa. Mr. Bryson a splica cu un yiu cu nace pafo di un matrimonio, pues di un mama soltera, ta e mama so tin custodia riba e mucha. Aunke cu e tata reconoce e yiu, a base di ley e no ta haya custodia di e mucha.

Ki ora e mama no tin custodia

Mr. Bryson a splica cu tin biaha ta presenta situacion caminda Hues ta dicidi cu e mama no por tin custodia di e yiu menor di edad. Como ehempel mr. Bryson a muestra:

si e mama ta menor di edad, e mama ta bou curatela, e mama tin un o otro impedimento pa cual no por eherce su custodia.

Den casonan asina, mester tin un procedura den Corte y Hues lo dicidi si por ehempel e tata of otro instancia por ehempel Voogdijraad of famia lo haya tutela di e yiu menor di edad.

Custodia comparti

A puntra mr. Bryson cu si un tata cu ta reconoce su yiu pero no ta casa cu e mama, e por pidi pa haya custodia di e yiu?

Mr. Bryson a splica cu den caso cu un tata cu ta reconoce su yiu for di un matrimonio y ta desea di tin custodia, e por cuminsa un procedura.

Ley ta stipula cu tanto e tata como e mama hunto por dirigi nan mes cu un peticion na Hues pa nan dos hunto tin custodia. Awor si e mama no kier? Segun mr. Bryson, den caso cu e mama no ta duna permiso pa e tata tin custodia tambe, e tata por dirigi su mes na un Hues cu e peticion pa e haya custodia comparti cu e mama. E abogado a muestra cu segun ley, Hues por otorga e custodia comparti si resulta cu esaki ta den interes di e mucha. P'esey lo tin un caso den Corte caminda Hues lo bay evalua un ke otro.

Si den e pareha no por yega na decision conhunto pa e yiu esaki tambe tin un procedura. Mr. Bryson a muestra cu na momento cu mayornan cu tin custodia comparti no por tuma un decision hunto pa e yiu of tin desacuerdo, semper por dirigi nan mes na Hues pa tuma decision. Durante tratamento di e caso, Hues lo haci preguntanan y lo intermedia pa mira pa yega na un decision cu ta na interes di e mucha. □

Lumenac
TECHNICAL LIGHTING

Special price
Awg. 90,00
(Incl. bulbs)
ECO 2X27W MAX

Special price
Awg. 160,00
(Incl. bulbs)
SMART 3X30W MAX

Special price
Awg. 450,00
(Incl. bulbs)
LASER2 1X400W

Tur lus di Lumenac ta IP65 (Weatherproof) y tin electronic ballast

MAREA
(incl. bulbs):
1X16 Awg. 79,00
2X16 Awg. 89,00
1X36 Awg. 94,00
2X36 Awg. 109,00

Oferta valido tanten cu tin den stock

Nos horario:
Dialuna pa Diabierna 8:00 am - 5:30 pm (non-stop)
Diasabra di 8:00 am - 12:00 pm

Arndstraat 124
Tel : +297 588-5966
Fax : +297 588-5895
Website: www.hitecss.com

HITESS
HIGH TECHNOLOGY LEDS & ACCESSORIES

Mayornan lo ta presente pa ricibi informacion di e vacuna

Campaña di vacunacion pa muchanan naci na 2009 te cu 2012

ORANJESTAD - Durante un conferencia di prensa jama pa Wit Gele Kruis (Wgk) a duna di conoce riba un campania di vacunacion cu lo bay cumuinsa dia 21 di juli te cu 31 di juli. Docter Joan van Heyningen ta splica mas di e plannan pa nos muchanan naci na 2009, 2010, 2011 y 2012.



E campaña cu Wgk ta bay tin pa nos muchanan naci na aña 2009, 2010, 2011 y 2012 cu mester haya nan vacuna contra entre otro sarampi, bruela.

Mayornan presente

E aña aki Wgk kier haci e sistema di vacuna poco otro, paso kier duna e mayornan tambe un oportunidad pa bin na Wgk cu nan yiunan pa haya vacuna pa nan mira kico ta pasando cu nan yiu. Esaki como na hopi ocasion cu e muchanan wordo vacuna e mayornan no tey, ya ta e customber cu ora e muchanan bira mas grandi y nan ta bay scol basico e muchanan ta wordo vacuna sin e mayornan presente.

“Nos a experimenta varios aña pasa cu e “kleuter onderzoek” cu nos a cuminsa den 2004 unda a invita mayornan pa nan ta presente ora nos chek e muchanan, esaki ta bayendo hopi bon, segun sra. van Heyningen”. “Nos por duna hopi splicacion na e mayornan tocante locual cu a topa y awo kier wak pa extende esaki door di vacuna nos muchanan hunto cu e mayornan”. E campaña lo cuminsa dia 21 di juli y a purba di haci esaki na e diferente

Wgk nan pa e personanan bay esun den su districto mes unda cu ya nan ta custuma di bay. Tin na San Nicolas, Savaneta, St. Cruz, Noord y Dakota pa facilita e hendenan cu nan no mester bay leu, segun sra. van Heyningen.

Sistema digital

Por si acaso un mayor no por bay paso elota entre 5or di atardi pa 7or di anochi nan por bay na un otro bario ariba un otro dia paso aworaki Wgk ta traha cu sistema digital, e sistema ta registra e informacion di tur e vacuna cu e mucha a ricibi y cua e falta.

Ehempel enfermedad

Si papia di e enfermedad Tetanus por ehempel, e ta algo cu bo por haya for di sociedad. si bo a trapa den un clabo frustia y e coy un infeccionhundo, semper ta bon pa vacuna contra Tetanus. E vacuna ta duna e curpa un chens na un manera hopi sigur pa haya defensa contra e malesa. Si un hende haya Polio por ehempel, ya caba ta laat. Polio ta wordo yama “kinderverlamming” unda ya e daño a wordo haci caba,

pesey ta vacuna e mucha mas liher posibel contra esaki, sra. van Heyningen a bisa

Importancia di e buki

“E unico cos cu mester trece si acaso mayornan tine na cas, ta e buki geel di Wgk pa [por yena e vacunanan aden y actualisa esaki. “Un mucha cu nunca a wordo vacuna por ta un mucha grandil, nos ta cuminsa nan vacunacion eorci y nos lo pone cita pa e mucha por ricibi nan vacuna

cu tempo te ora e ta actualisa”.

Hopi hende no ta mira e importancia di e vacuna te ora cu e mucha crece y kisas e bay studia na Hulanda of Merca unda nan ta exihi pa e tin su vacunacion na ordo. “Pesey ta recomendabel pa warda e buki di vacuna tambe hopi bon pa tin un bista di e vacunanan cu a ricibi caba cerca, na momento cu mester di esaki”, segun sra. van Heyningen. □

Optica
SUN SPECS
Eye can see clearly now

BACK TO SCHOOL SPECIAL

SHOW US YOUR REPORT CARD

AND RECEIVE 25% OFF.

WITH PURCHASE OF ANY KIDS FRAMES AND TEENS, UP TO 18 YEARS OLD, ON SPECIAL SELECTED FRAMES

AND PARTICIPATE IN OUR BACK TO SCHOOL RAFFLE

1st Prize

Toshiba LAPTOP

2nd Prize

school supplies GIFT CARD

OFFER VALID ONLY ON KIDS FRAMES AND SPECIAL SELECTED FRAMES
RAFFLE DRAWING TO BE HELD ON AUGUST 9TH, 2014

LOCATIONS:

SUPER FOOD PLAZA
587-0434

PALM BEACH PLAZA
586-9301

[FACEBOOK.COM/SUNSPECSARUBA](https://www.facebook.com/sunspecsaruba)

DRAGON
CD & ELECTRONICS
SPECIALS

LU neo dual sim
Afl. 225,=

Blu music 4.0
Afl. 175,=

Samsung s3 sim
Afl. 399,=

Also: Samsung S5, Samsung S4, Samsung 4 mini, S3 mini etc.....
Accessories for: HTC Sensation XI, One X, Rhyme and Samsung S2, S3 and Note.
Also: Iphone 5s, Iphone 5c, Samsung S3, Samsung Note 2, Blackberry Q10 and Q5, curve 9220, 9320 and more. Hp Laptop 15.6 " 4Gb 320Gb Harddisk. Afl. 900.00
Hp Ink cartridges, Universal laptop adapters etc..
iTunes gift cards \$ 10.00 and \$ 15.00 and Playstation Network cards.
Sales, repair and accessories for all blackberry models and other cellualars.
Unlock, reload, reset, upgrade, replace lcd, keypad, speaker etc.....

Dragon CD & Electronics
Main street San Nicolas tel: 584-3999
Open 9:00 - 13:00 and 14:30 - 18:30 hrs.

Director di DOW

Edificio banda di lagoen na Oranjestad ta destina pa bira e kantoor di City inspector



ORANJESTAD- E edificio den e area unda antes tabata tin un stacion di gasolin banda di e lagoen na Oranjestad, ta destina pa bira e kantoor di City

inspector, y e trabounan ta den base preparatorio pero e ehecucion di finalisacion di e documentonan pa cuminsa cu esaki ta para na e momentonan aki. Esaki ta segun Marlon Croes director di DOW.

Sr. Croes ta splica cu e finalisacion di edificio aki ta planifica pa 2015, conhuntamente cu Havenstraat y Wilhelminastraat cu mester wordo drecha.

E proyecto di Haven y Wilhelminastraat ta den proceso, esaki ta un proyecto hopi

grandi, cu lo sosode di 2015 pa 2016.

E tram actualmente ta pasa den Havenstraat caba y pa e empuhe economico cu kier duna na Wilhelminastraat, unda cu tur e edificio monumentalnan ta, kier eventualmente extende e liña di e tram pa duna mas bida na esaki.

Pero esaki tin cu wordo studia, pa wak kico ta posibel y kico no y e parti financiero tambe tin cu wordo studia, Sr. Croes ta finalisa. □

Advertorial

Pharmaton® y Pharmaton Kiddi® ta manda famia Brete Disney World

ORANJESTAD - Manrique Capriles Aruba recientemente a lansa un campaña pa Pueblo di Aruba unda cu a brinda e oportunidad pa un famia di cuatro, realisa e biahe magico esta di bay Disney World.

Unico participacion di parti di esunnan interesa tabata compra di vitamina Pharmaton® y/of Pharmaton Kiddi®. Mientras tanto e ganadonan ta conoci, Sue-Ann Brete lo haci e biahe di su soño.

Pharmaton® y Pharmaton Kiddi® ta suplementonan

nutricional reconoci pa nan efectividad den mehoracion di salud fisico y mental, pa grandi y chikito.

Awendia bida diario ta wordo acompaña pa hopi stress y ta dificil logra yega na e nutriente nan cu nos curpa mester den nos alimento diario pa mantencion di un bon salud. Pa e motibo ey, e suplemento di Pharmaton ta indispensable pa su totalidad na vitamina y nutriente nan cu e ta contene. Manrique Capriles Aruba ta gradici un y tur cu a haci e promocion aki uno asina exitoso y ta felicita Famia Brete cu nan bunita premio. Felis biahe ta deseo di Pharmaton®. □

Di 22 edicion di 'Hospi Bondi Camp' cu yen di actividad pa muchanan

ORANJESTAD -- Dr. Horacio E. Oduber Hospital ta organisa ya pa di 22 biaha su HospiBondi Camp, un camp pa yiunan di trahadonan di Hospital. E aña aki pa prome biaha Noralfa Eckmeyer a tuma e rienda pa guia e dos simannan di camp. Dialuna tabata e prome dia di e camp, pero Noralfa ta masha contento pasobra nan a traha basta duro pa haci di e camp aki uno un biaha mas exitoso.

Un danki sigur ta bay na Hunta di Directiva di Hospital cu un biaha mas a pone nan confiansa den e comision di HospiBondi Camp pa



asina organisa dos siman di camp pa yiunan di trahado. Tin un ekipo bastante jong y dinamico, y nobo na cabes e aña aki, el a subraya. El a bisa cu e la forma aña pasa parti di e comision y e aña aki e ta na

cabes di e camp.

Segun Noralfa Eckmeyer, HospiBondi Camp ta consisti di un total di 180 mucha y hunto cu e lidernan y esunnan di e comision ta yega na un total di 250 hende. Siguridad di tur mucha ta un prioridad grandi pa e comision



organisatorio.

HospiBondi Camp lo dura dos siman. El a cuminsa dialuna 14 di Juli y lo caba dia 25 di Juli. E ta un actividad special pa e yiunan di e trahadonan di Hospital y tin biaha tin subrinonan y nietonan cu ta participa. Sinembargo

semper ta enfoca riba e yiunan, Noralfa ta conta.

Esaki ta bay ta dos siman yen di actividad y hopi ambiente. "Nos a purba di ta mas pafo di Hospital posibel door di e construccion, pero nos a haci nos best di tin 10 dia di bon actividad pa e muchanan", el a termina bisando. □

Advertorial

Cortesía di SETAR y Pizza Hut "Free Preview" di Extra Innings di Major League Baseball



Despues di e prome mita exitoso di Major League Baseball, awor a drenta e "half-season." Y pa e motibo ey SETAR conhuntamente cu Pizza Hut ta ofrece un "free preview" pa tur cliente di Cable Digital cu ainda no tin e pakete di Extra Innings.

E "free preview" lo tuma lugu diabierna 18 di juli te cu diahuebs 24 di juli riba e canalnan 121-134 (standard definition) y 341-342 (high-definition). Cliente lo disfruta di un maximo di 80 wega pa siman y asina haya un idea di kico e pakete di Extra Innings ta encera.

Tambe traves di Telearuba, canal 13, 23 y 313 lo transmiti e siguiente weganan durante e fin di siman aki: Diasabra, 19 di juli, 2014 pa 1.05pm: Cincinnati Reds vs New York Yankees
Diadomingo, 20 di juli 2014 pa 1.35pm: Kansas City Royals vs Boston Red Sox.

Cliente interesa pa aplica pa e pakete di Extra Innings por pasa personalmente na cualkier Teleshop di SETAR of yama na telefon 525-1700. Pa informacion di e prijsnan nobo por bishita www.setar.aw. □

Seaport Casino
ta presenta

BIGGER BETTER BINGO

(DOOR PRIZES)

5x AWG 250,-

Bingo = AWG 25,- pa carchi di 10 wega
Progressive = AWG 3,- pa carchi di 6 wega

Wega 1	AWG 750
Wega 2	AWG 750
Wega 3	AWG 750
Wega 4	AWG 750
Wega 5	AWG 750
Wega 6	AWG 1500

DIADOMINGO
20 di JULI, 2014

Cuminsando for di 1 pm na Renaissance Convention Center

Wega 7	AWG 1500
Wega 8	AWG 1500
Wega 9	AWG 2500
Wega 10	Progressive
51 te cu 54 jamada AWG 1.000,- 55 jamada pariba AWG 500,-	
Wega 11	AWG 10.000

5 Becado a ricibi nan cheque for di Aruba Scholarship Foundation

ORANJESTAD - Ya pa mas di 25 aña Aruba Scholarship Foundation (ASF) ta haci entrega di becanan na studiantenan Arubiano cu ta desea di sigui nan estudio den exterior ayera na Garage Cordia a tuma luga entregamento di Cheque na e cinco becadonan.

E aña aki ASF tin e placer di entrega beca na cinco estudiante di cual tres di nan ta candidato nobo y dos di nan ya ta haciendo nan carera academico den exterior.

Tur candidato z pasa door di e proceso di seleccion y tambe un entrevista cu e miembronan di ASF.

Becadonan



E studiantenan cu a ricibi un beca e aña aki ta: Robert Hernandez pa Clyrical Psychology, Jordan Vrolijk

pa Business Administration, Roan Held pa Marketing, Alfonso Rey - Canal pa Business / Accounting y Gode-

lieve Olibrice pa Master's in Tourism.

Institucion independiente

Parti di e compromiso di e becadonan di ASF ta cu nan lo bolbe nan isla pa asina contribui na e futuro di Aruba.

ASF ta un institucion completamente independiente y no ta afilia na ningun otro organizacion.

Su sosten financiero ta bin di contribucion di miembrinan di nos comunidad, casnan comercial, profesionalnan y otro personanan cu ta comparti e vision di un Aruba miho prepara pa futuro.

E aña aki ASF un directiva cu ta traha cu presidencia di Frits Goegdedrag, otro miembronan ta Lindsey Wever, Thais Nierop - Kappel, Erwin Croes, Jan, Eric d'Arnaud, Brian Marchena y Elley Lasten. □

20 aña di Archivo Nacional Aruba, mas di 12 kilometer di archivo

ORANJESTAD - Dia 1 di augustus 2014, Archivo Nacional Aruba (ANA) ta cumpli 20 aña di existencia como un departamento di gobierno. Den cuadro di esaki, durante e simannan nos dilanti, Archivo Nacional Aruba ta informa nos comunidad di e logro y trabounan di e departamento aki.

Ana ta habri pa publico di 8or di mainta pa 12or di merdia, y di 1or di merdia pa 4or di atardi, na unda cu henter nos comunidad ta bon bini. Tanto pa busca informacion of admira e coleccion di potretnan.

Archivo Nacional Aruba ta encarga cu administracion y conservacion di e memoria nacional y e herencia cultural di Aruba. E meta principal di

Archivo Nacional ta pa warda y uza Aruba su archivonan na un manera responsabel y duradero. Y poniendo esakinan na disposicion di investigadonan, departamentonan di gobierno y sin lubida nos futuro generacionnan.

E documento mas bieu cual Archivo Nacional Aruba tin warda ta e rekwestenboek di e Commandeur Lodewijk Christoph Boyé, cual ta data di 1816, pues casi 200 aña bieu. Actualmente Archivo Nacional ta maneha rond di 12 kilometer di archivo, mas cu 1000 cinta di material audio-visual y mas of menos 3000 potret historico di Aruba.

Ana manera nos conoce awe a sali for di e antiguo departamento di Post en Registratuur cu na 1986 a bira Bureau Interne Diensten (BID) cu

tabata situa den e edificio di Bestuurskantoor.

Historia

Cu tempo e cantidad di archivonan di Aruba a crece, y a scoge pa warda e archivonan historico y semi-statico den e edificio di Rialto den Steenweg.

Na aña 1989 Trudy Hassel hunto cu Ovito Petrocchi, empleadonan di BID a bay traha cu e archivonan historico na e edificio di Rialto y asina e seccion Archivonan Historico Nacional di BID a haya forma.

Cu tempo e seccion aki a crece den cantidad di archivonan y tambe den personal. Dia 1 di augustus 1994 Archivo Nacional Aruba a wordo estableci pa medio di un Decreto Gubernamental como un departamento riba su mes, cu su propio hefe.

Desde prome momento sr. Raymond Hernandez como hefe y 14 miembronan di personal a pone e fundeshi pa Aruba su archivo, manera cu awe nos conoce.

Buskeda edificio nobo

Desde 1994 e archivonan a sigui aumenta ainda mas, cu a pone cu e edificio di Rialto a bira mucho chikito pa tur e archivonan. A cuminsa sondia otro posibel edificionan cu por acapara e cantidad di archivonan, pero tambe cu por cumpli cu e rekisitonan minimo di warda y conserva archivonan. Despues di tabata tin hopi problema cu e edificio di ex Rialto pa motibo di su estado y e peligro di e cercania unda e archivo tabata ubica, gobierno di Aruba, por medio di Minister Fredis Refunjol, a bay di acuerdo pa muda archivo pa

un lugar mihor ubica, espacioso y adecua. Desde 2004 Archivo Nacional ta ubica na Sabana Blanco 60, dilanti di Aeropuerto Internacional Reina Beatrix.

E departamento aki a carga e nomber di Archivo Historico te na 2005, momento cu Minister Wilfrido Croes a duna permiso pa haci uzo di Archivo Nacional Aruba, pa asina duna mas acogida y reconocimiento di e trabounan cu e departamento ta eherce.

Dia 16 di maart 2006, Archivo Nacional Aruba a haci apertura oficial di su edificio nobo, su logo nobo y cu su prome exposicion den e edificio aki, yama "Aruba, un pais den formacion", asina ilustrando su coleccion di Ana, riba e lucha di nos pueblo pa nos Status Aparte. □

Proyecto pa yerba artificial riba veld di Britannia lo costa 400 mil florin

ORANJESTAD - Ayera atardi a tuma luga e groundbreaking di veld di SV Britannia, e proyecto aki lo costa 400 mil florin, segun e personanan encarga cu e veld di SV Britannia, e proyecto lo finalisa fin di september.

Despues di a traha y spaar durante añanan, a logra yega e momento cu Centro di Barrio

Piedra Plat, e veld di SV Britannia lo bay pone su yerba artificial riba su tereno na Piedra Plat.

Un caminda largo a wordo cana, unda cu prijsnan pa pone y instala un cancha di futbol artificial, tabata financieramente imposibel pa cualkier organizacion amateur, pero durante añanan prijsnan a cuminsa baha pa motibo di

competencia mundial, y asina porfin Centro di Barrio Piedra Plat / SV Britannia a yega na e punto cu e proyecto aki a bira posibel.

Geerman Contractor ta e esunnan cu a wordo contrata pa traha riba e proyecto. Bon Dia Aruba a ricibi e informacion aki for di personanan encarga cu Centro di Barrio Piedra Plat / SV Britannia. □





ORANJESTAD/ LONDEN - Un estudio haci recientemente ta muestra cu tin un conex-ion evidente entre inteli-gencia y e cantidad di yiu

cu hende muhe ta haya.

Mas halto e IQ, mas chikito e chens cu un muhe ta haya yiu. E estudio aki a wordo haci pa Satoshi Kanazawa di

Mas sabi menos yiu

London School of Econom-ics. Segun su investigacion pa cada 15 punto di IQ extra, e chens ta baha cu un cuarto. Oro el a amplia su estudio y tene cuenta cu economia y educacion, e resultado tabata mescos: mas sabi, menos yiu. Mester bisa si cu e estudio aki a wordo haci na Inglatera. Na e pais aki e cantidad di hende muhe sin yiu a casi dobla desde 1990. 20% di muhe di 45 aña no tin yiu y si ta wak e porcentahe di muhe cu un diploma, e ta crece te

43%.

Comunidad menos sabi

Segun sr. Kanazawa e desar-oyo aki tin consecucionan grandi pa comunidad. Paso-bra 80% di nos inteligencia ta wordo determina genetico. Pues mayornan inteligente ta haya yiu inteligente. Y un yiu homber ta hay'e di su mama, un yiu muhe di ambos may-or. Segun e investigado cien-tifico e influencia riba e nivel averahe di inteligencia di nos comunidad ta determinante.

Si hende muhe inteligente no ta haya yiu, segun su teoria, e comunidad lo bira menos in-teligente.

Tin un otro estudio a in-vestiga e motibo pa hende muhe ta scoge pa keda sin yiu. Aunke yiu ta duna amor bek incondicional, nan no ta duna hende muhe e sentido di felicidad. Esaki no ta algo di e generacion aki, e investi-gadonan a descubri. Casi tur generacion ta hay'e dificil pa lanta yiu pasobra esaki ta lim-ita nan libertad. □

Ta tira mas sushi ora caya ta sushi

ORANJESTAD - Ora gobierno no ta haci caya limpi, habitantenan ta mira esaki como un invi-tacion pa tira mas sushi riba caya.

Esaki ta e resultado di un ex-perimento na Hulanda cu e universidadnan di Erasmus y Tilburg conhuntamente a haci cu e municipal Rotter-dam, segun e fuente di noti-cia Hulandes, ANP. Locual ta interesante ta cu si cayanan no ta wordo limpia regular-mente y ta keda mas sushi

atras, tin e tendencia cu habi-tantenan tampoco no ta wor-ry mas. Pues nan tambe ta tira mas sushi riba caya. Pero si e autoridadnan ta limpia e cayanan mas frecuente, habi-tantenan ta haci mas esfuerzo pa mantene nan limpi.

E experimento a wordo haci na un bario na Rotterdam-Zuid. Tres luna largo e de-partamentonan encarga, a recoge e sushi menos fre-cuente. Nan kier wak kico ta pasa ora nan kier corta den e servicio aki. E speransa tabata cu e habitantenan mes lo a


susha nan bario menos, pa motibo cu e sushi no a wor-do recoge manera antes. Pero esaki manera menciona, no tabata e caso.

Na Aruba gobierno tambe ta purba pa hopi aña di consci-entisa e publico pa mantene nan bario limpi, pero tambe a amplia e cantidad di per-sonal pa haci bario limpi. Tin hopi iniciativa na Aruba pa limpia area, por ehempel na beach, pero ta keda iniciativa riba nan mes y no structural. Y aunke ta vigila mas stricto



riba dump ilegal, ainda e ta keda un problema, segun Serlimar y DOW. Pues un

caminda hende ta cuminsa tira sushi, mayoria biaha ta crece den un dump ilegal. □



Selfie riba bo pan

ORANJESTAD - Un compania na Merca (Ver-mont) a traha un toaster cu ta imprenta bo selfie riba pan.

E aparato aki ta yama Burnt Impressions. Mester bisa si cu e toaster no ta comunica cu bo smartphone. E proce-dura ta asina: bo ta saca un selfie y mand'e pa e compa-

nia. Nan ta garantisa cu lo traha un toaster dentro un siman, pa e ora tur mainta por traha toast cu e mesun selfie.

Tin otro condicion tambe, cu por ehempel e potret mester ta di calidad halto, sino e no ta imprenta bo cara bon riba e pan. Pero e com-pania ta bisa riba su website,

cu den caso a faya y bo no ta reconoce bo cara riba e pan, lo tuma e toaster bek y bo ta haya bo placa (75 dollar) bek tambe.

E compania aki ta famoso pa motibo di otro idea creativo den pasado.

Manera e toaster cu ta traha e cara di Hesus riba pan y otro gadgets. □

Advertorial

Aruba Bank lo inicia construcccion Drive Thru Center Paradera

ORANJESTAD -Aru-ba Bank ta anuncia, cu despues di a sirbi pa hopi aña su clientenan cu servi-cionan bancario na Aruba Bank Paradera Branch, e facilidad aki lo bai wordo transforma den un facili-dad nobo.

Dia 17 di Juli 2014, Aruba Bank lo despedi di e Aruba

Bank Paradera Branch y pronto lo inicia construc-cion di e Aruba Bank Drive Thru Center nobo, cual lo ta un facilidad super moderno y unico na Aruba. Aruba Bank ta sumamente orguyoso di e proyecto aki. Esaki ta a e prome Drive Thru Center na Aruba, caminda lo bai tin 3 ATM y 1 Night Depos-itory pa asina brinda servicio

na su clientela. Esaki ta un forma mas, con Aruba Bank ta sigui construi cu confianza den Aruba.

Mientrastanto, e usarionan por sigui haci uzo di e servi-cio di ATM y Night Depos-itory na otro localidadnan ya conoci.

Alaves Aruba Bank kier pidi e personanan cu tin nan auto na benta riba e tereno net



pabou di e banco, pa por fa-bor kita esaki for di e locali-dad, pa asina por permiti pa e construcccion di e facilidad

nobo por tuma lugar. Pa mas informacion por yama na Aruba Bank su Call Center na e number 527-7777. □

Homber haya benta riba caminda di santo

TANKI LEENDERT -- Diaranson durante oran-an di merdia, un ciudadano pasando caminda di santo di Tanki Leendert, a topa cu un homber benta abou riba e caminda di santo, den e calor di solo.

E homber no tabata move y a pone autoridadnan na haltura di e situacion. Ambulance y polis a presenta na e sitio, y a topa cu e homber benta riba caminda, e tabatin basta rato benta prome cu a haya yudansa. Personal di ambulance a atende cu ne pon'e riba cama y hib'e Eerste Hulp pa haya debido atencion medico. □



Polis a yuda pa lanta persona cu a cay den baño

ROOI BOSAL—Dialuna 11.20, Central ta manda Polis na Rooi Bosal na unda e habitantenan ta pidi pa auxilio. Na e cas, Polis a papia cu e habitante, kende ta bisa

cu su mama a cay den baño y no por lanta. Hunto cu e famia, polisnan a yuda e muhe lanta. E famia a keda warda riba personal di ambulance pa tratamento. □

Cliente ta kibra mashin den casino na Hyatt

PALM BEACH—Diaranson 00.36, Polisnan a bay diaranson madrugada 01.15, na Casino den Hyatt Hotel, relaciona cu un informacion cu nan a haya cu un persona a kibra un mashin. Na e sitio, Polisnan a papia cu e manager N, kende a laga e polisnan mira e mashin cu a wordo kibra pa un huesped. Ta trata di e mashin cu ta na e entrada nobo di e casino. Ningun hende a mira e destruccion tuma luga. Un trahado cu tabata cana banda di e mashin, a mira cu e glas tabata kibra. Riba e vloer tabatin manchanan di sanger, cu ta bay pafo. E sanger tabata riba e trapi, bayendo e caminda principal y despues a bay direccion panort. E manager y a trahado di siguridad a bisa cu e foto ta graba riba e camara. E destruccion a tuma

luga mas o menos 00.36 y e homber ta mas o menos 25 aña y tabata den e casino for di 23.00 tras di e mashin ey. E homber supuestamente ta un turista Mericano pero nan no ta sigur. E ta color blanco di mas o menos 1.70 pa 1.80m largo, bisti cu un Bermuda short color di khaki y un t-shirt licht blauw cu slof. E ta bisti cu un pechi color di khaki. Polis a tuma e keho, si ta necesario nan por bay busca e grabacion na Hyatt. Polisnan a haya un printout di e video, na unda e sospechoso ta graba. Esaki a wordo entrega dor di e manager boluntariamente. Polisnan a sigui busca den bisindario na mancha di sanger pero no a haya nada. Supuestamente e sospechoso ta keda na Playa Linda of na Holiday Inn. □

Problema y molester di cabrito

JABURIBARI—Diaranson 16.52, Central a manda Polis na Jaburibari pa problema di cabrito, cu ta come tur e matanan den su cura. Hunto cu e doño di e cabrito, nan lo busca un solucion. Fin di siman, nan lo papia cu otro. □

Desconoci ta maltrata Piraña

SAN NICOLAS—Dialuna 05.54, Central ta manda Polis den Jarmanstraat pa un maltrato. Na e sitio polis a topa Piraña maltrata. E homber R. a bisa cu el a tende un zonido y ora cu el a sali pafo, el a mira Piraña riba vloer. “Piraña” a bisa polis cu cuatro homber a maltrata su persona cu pida palo den Jarmanstraat. E ta bisa cu e no conoce nan. Polis a mira cu su cara tabata hincha y e tabatin un kap na su brasa drechi y pia y e tabata keha di dolor na su pia drechi. Ambulance a hiba e victima poli pa tratamento. □

Cliente agresivo ta destrui articulo y kier maltrata trahado

ORANJESTAD—Dialuna 09.55, Central ta manda Polis den Italiestraat, na Unicon pa un asistencia. Na e sitio Polis a papia cu e homber T, kende ta bisa cu diasabra mas o menos 13.30, un cliente a bin na e luga y a destrui un articulo. Ora cu el a bay controla, el a mira cu e cliente a cana bay y a drenta su auto. El a mira cu e articulo tabata kibra y a bay atende cu e cliente. Como cu e homber a drenta den e auto, el a tuma nota di e number di auto, un Nissan Pickup shinishi (A-55049). Ora cu e homber a mira esey, el a baha bek for di e auto y a bay paden y a bira agresivo, contra T. El a cuminsa papia palabra malo y na dado momento e kier a bringa cu T. Na e momento ey, mas personal a bin na banda di T y e homber supuestamente Hulandes a bay for di e sitio. T, kier a pone polis na haltura di locual cu a pasa. □

Cachonan ta molestia ciclistanan y peaton

NOORD—Dialuna 09.52, Central ta manda polis na Noord, na un adres, na unda cachonan los riba caya ta ataca peaton y ciclista. Na e sitio e homber G, ta bisa cu e cachonan no ta di dje, pero di henter e bisindario. Segun e ta bisa tur hende ta duna e cachonan cuminda. Polis a papia cu e homber, debi cu a cachonan tabata den su cura, ora cu polis a yega na e sitio. El a priminti cu e lo percura pa e cachonan. E lo pone e cachonan na cadena y lo drecha e porta di manera cu e cachonan no causa molester na otro hende. □


Alumno cu no kier sigui cu amistad a keda maltrata

SAN NICOLAS—Dialuna 09.15, Central ta manda polis na EPB San Nicolas, pa un pelea. Na e sitio polis a mira un aglomeracion di alumnonan di EPB. E docentenan na e sitio a bisa cu a cuminsa un pelea entre tres mucha muhe cu tambe ta alumno di e scol.

Un Polis di Unidad K-9, a bin reforsa e polisnan, como cu e tabata den bisindario. E docentenan tabatin un di e mucha muhenan yama W.B. di 15 aña, riba tereno di scol y el a declara cu e dos otro muchanan a bringa cu su persona, como cu e no kier cana cu nan mas. W.B. tabatin diferente rasca den su cara. Polis a haya informacion di e docentenan cu e dos otro mucha muhenan ta na e sitio ainda.

Relaciona cu esey, polisnan a detene nan dos 09.35 y a hiba ambos cu dogcatcher warda di polis na San Nicolas. Despues a hibanan warda di Polis na Balashi pa nan presenta dilanti Fiscal Auxilia. Tur dos a wordo entrega na Departamento di JKZP. Ta trata di A.N. di 16 aña y A.G. di 16 aña, tur dos naci na Aruba. □

Persecucion tras di dos ruman relaciona cu ladronicia den cas



ORANJESTAD -- Relaciona cu e avalancha di ladronicia di cas e ultimo temponan aki, e Departamento di 'Woning Inbraak' ta man yen. Tin varios sospechoso pa piki, y den nan tambe tabatin

Choller ta menasa trahado di hotel cu piedra

PALM BEACH—Diaranson 02.35, Central a manda Polis na Tamarijn Beach Hotel, na unda un choller ta completamente na sanger. Na e sitio Polis a papia cu e night auditor di e luga. E ta bisa cu e choller conoci P.F. a bin den lobby for di e direccion di lama. E tabata gritando duro. E trahado no sa kico e ta grita y ni kende. Mas o menos dies minuut despues el a bin bek den e lobby cu dos piedra grandi den su man. El a mik e piedra riba e trahado y a cuminsa grita "abo tambe ta un di nan", despues el a expresa palabra masha discriminatorio. El a menasa e trahado di dal e cu piedra. Despues un homber a bin di pafu cu supuestamente conoc'e F. y a cuminsa papia cu ne te ora el a sali for di e luga. El a mira cu e choller tabata sangra, supuestamente e tabatin un corta na su dede. Polisnan a busca den bisindario, pero no a topa cu F. Polis a bisa e trahado pa e bay oficina di Recherche pa duna keho si e ta desea. □

Ladronnan a drenta den cas na Savaneta

SAVANETA—Diaranson 21.25, Central a manda Polis na un cas na Savaneta pa un kiebro. Na e sitio Polis a papia cu e habitante H, kende ta bisa cu ladronnan a drenta den su cas. Nan a bay cu television. Polis a tuma e keho. □



dos ruman homber jong meti den e mal comportacion aki.

Diaranson atardi patruya di

Oranjestad, atento despues di a haya e imagen di e dos sospechosonan cu ta wordo busca pa recherche di 'Woning Inbraak', a topa cu e ho-

bennan aki den area di Weststraat. Aki un persecucion a inicia na pia, te Koningstraat. Despues di poco rato un persona a haya hende desconoci drenta su cas tur cansa.

Tabata trata di un di e sospechosonan aki y polis a deten'e mes ora. Algun rato despues polis ta wordo informa unda e otro sospechoso a core bay y a yega na un cas na Socotorowijk y a haci detencion di e otro ruman.

Awor, e dos rumannan J.E. Trezil di 25 aña y E. Trezil di 26 aña mester bay duna cuenta na Husticia. □

Auto ta sali dilanti di Scooter



consecuencia cu el a perde control, cay cu su scooter y a keda levemente herida.

Polis di trafico y tambe patruya Santa Cruz a bay na e sitio. Ambulance tambe a presenta, despues cu personal di ambulance a trata e manehador, nan a transporte pa hospital. □



SANTA CRUZ -- Diaranson anochi pa mas o menos 8or y mey, a sosode un accidente na e crusada di Macuarima na altura di 88 Foodmart. Un Hyundai Getz ta sali for di pabou y ta crusa pa bay staciona na e supermercado.

Na momento cu auto tabata crusando for di direccion noord, un Scooter mancha pa un cabayero tabata biniendo. E scooter tabata pasando un auto, e manehador di e scooter a mira e auto ta crusando y pa evita di dal contra e auto, e manehador di e scooter a trata na desvia, cu



Ladron a drenta den cas na Rooi Congo

ROOI CONGO—Diaranson 14.30 e muhe E, a duna keho di ladronia den su cas. E ta bisa cu nan a kibra e bentana parti pariba di su cas y a drenta paden. Nan a rista den tur e lachinan di den camber. Polis a tuma e keho. □

Homber ilegal a core pa polisnan

ORANJESTAD—Diaranson 18.15, durante patruya den Ranchostraat, Polisnan a mira un homber cu ta parce e sospechoso E.T, pa cual tin buskeda y detencion pidi. Polis a para e hoben y a puntr'e pa su cedula, pero e sospechoso a core bay. Polis a sigui su tras na pia, pero a perde for di bista den Boliviastraat ora cu el a bula un cura. Dor di Central Polis a haya un informacion cu e sospechoso a bay sconde den Koningstraat 52. Na e sitio, e habitante a bisa cu un homber desconoci a bin su cas y a bay sconde den un di e cambenan. Polisnan a drenta y a haya e homber scondi den huki di un sala. Polisnan a deten'e y a hib'e warda. Na warda a resulta cu e homber ta J.D.A.R y a core bay como cu e ta ilegal riba e isla. Dor di esey, a yama Warda Nos Costa y a entreg'e. □



STICHTING PROTESTANTS CHRISTELIJK ONDERWIJS ARUBA

Roept sollicitanten op voor de functie van

DIRECTEUR

van ons John Wesley College voor MAVO

per 1 augustus 2014

Wij verwachten van de kandidaat dat hij/zij:

- meedenkt en meewerkt aan het strategisch beleidsniveau van de school en van de stichting
- beschikt over leidinggevende capaciteiten en goede contactuele eigenschappen
- een managementcursus heeft gevolgd
- ervaring heeft met het verbeteren van de kwaliteit van het onderwijs
- op de hoogte is van de onderwijsontwikkeling in het VO en hier een gedegen visie op heeft
- eerlijk, integer en discreet is
- een open instelling heeft ten aanzien van ouders en andere interne en externe contacten
- effectief kan omgaan met probleem- en conflict situaties
- bereid is tegemoet te komen aan de specifieke belangen van de leerlingen
- zeer bekwaam is in het gebruik van moderne ICT op schoolmanagementniveau
- in teamverband kan werken en dit kan bevorderen

Vereisten:

- minimaal HBO denk- en werkkniveau
- volledig bevoegd zijn voor het lesgeven op de MAVO
- in het bezit zijn van minimaal één tweedegraads bevoegdheid
- minimaal 7 jaar ervaring in het onderwijs
- minimaal 3 jaar ervaring in een leidinggevende functie in het onderwijs
- uitstekende beheersing van de Nederlandse taal in woord en geschrift; goede beheersing van het Papiaments en het Engels
- Nederlandse nationaliteit
- belijdend lid of dooplid zijn van een Protestants Kerkgenootschap of een Christelijke levensbeschouwing hebben
- gedegen kennis van schooladministratie t.a.v. financiën, bedrijfsvoering en LVS

Een psychologisch onderzoek dan wel een geschiktheidsassessment kan deel uitmaken van de sollicitatie-procedure.

Voor overige voorwaarden en verdere informatie kunt u contact opnemen met de heer Jur Raatjes, directeur van ons onderwijskantoor, tel. 582 - 0288.

Sollicitaties vergezeld van uw CV uiterlijk **1 augustus** a.s. richten aan: het Bestuur van de SPCOA, Sabana Blanco 68-A, Aruba; fax: 583 9330; e-mail: spcoa@setamet.aw.



Peticion pa aprobacion di plannan di parcelacion na Bubali, Rooi Kochi y Seroe Patrishi, conforme art. 33 di e Ordenanza di desaroyo territorial (LRO). E conceptionan di e plannan di parcelacion ta poni pa inspeccion publico na **DIP, Sabana Blanco 68**, durante un luna desde dia **21 juli 2014**, durante oranan di trabao. Tambe e plannan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Integracion, Infrastructura y Medio Ambiente pa medio di Director DIP

E desaster

Despues di a lesa varios documentonan entre otro e famoso KB, un storia di mi infancia a drenta mi mente. Mi a adapt'e na e momentonan actual:

Tabata tin un pueblo. Un dia grito a cay: "Tin mal tempo na caminda". Esunnan cu sa kico mal tempo por haci cu nan cas, a cuminsa prepara, saca plywood, pone clabo, martiu, zaag y trapi. Mal tempo a yega y a cuminsa yob'e. Un homber masha religioso

y cu ta kere den Dios, semper tabata bisa tur hende: "Dios ta yuda mi den tur mal tempo." Nan si a cuminsa proteha nan cas y tabata avisa e otro nan (oposicion). E tereno di e persona a cuminsa yena cu awa. Atrobe, esunnan rond di dje a advertie. (oposicion). Despues gobierno (Hulanda) a manda evacua e area den cual e persona ta biba (Mieke). E persona (Mieke) a nenga redondamente: "Dios lo yuda mi." E tereno a keda

yena cu awa. Gobierno (Hulanda) a manda bomberonan (oposicion, Algemene Rekenkamer, Raad van Advies) cu un boto. Atrobe: "Dios lo yuda mi."

E persona a hay'e ta subi dak di su cas. Gobierno (Hulanda) a manda un helicopter (Kabinet di Gobernador). E persona (Mieke) a bolbe nenga redondamente: "Dios lo yuda mi."

E persona a muri (Mieke, moribundo sa e no sa ainda)

y a yega den presencia di Dios (aki e pueblo di Aruba). Dios, pakico bo no a yuda mi? Dios yen di amor a contest'e: "Mi a manda adverti bo, Mi a manda un boto busca bo, Mi a manda un helicopter busca bo, bo sa cu mi mes no por yuda bo p'esey mi a manda mi angelnan y bo a ignora nan."

Fin di e storia

Solucion, por favor, Mike, bay gobernador y entrega bo retiro y di bo gabinete. Y

yama un eleccion nobo dentro di tres luna. Di esunnan cu a resta di tur esunnan cu a vota pa bo nan ta dispuesto di bay guerra cu bo, para banda di bo y no dilanti bo. P'esey tur mester ta bon comi y drumi hopi pa wanta e guerra ma si tur ta debil y zwak di hamber con nan por defende abo y nan mes. Corda e resto di pueblo.

Sans rancune.

Severiano Feliciano, Aruba. □

Apresiasiabel conciudadanonan, reflecciona

Apresiasiabel conciudadanonan, reflecciona

Respetabel pueblo Arubiano, nos pueblo a haci historia, ora nos dushi isla di Aruba a haya su status nobo den Reino Hulandes. Realidad ta e asunto di un status nobo, ta un asunto di nos digno pueblo Arubiano, cu a haci esaki posibel pasobra e vision y sentimento aki tabata biba den curason di nos pueblo Arubiano pa hopi aña.

A tuma esfuerzo, trabao duro y sacrificio mara na e mision sagrado aki, pa aboli decadanan di abuso psicologico y financiero imponi riba nos pueblo, pa loke ta trata e manejo di e gobierno central di Antias Hulandes riba nos pueblo. No tabata facil, a pesar cu tabata tin hopi duda relaciona cu un constelacion nobo, hasta ora cu nos a logr'e caba. Awe nos por bisa, cu nos tur ta contento cu nos libertad pa ta "baas in eigen huis" cu a hiba nos bida na

un nivel halto en comparacion cu otro paisnan den nos region.

Hopi tawata e politiconan den historia di Aruba cu tawata totalmente convenci y sigur, cu esaki tawata e caminda corecto pa sigui, pa bienestar di nos pueblo Arubiano. Mientras negociacionnan entre e tres partidonan den Reino Hulandes tawata dirigi nan mes pa un desenlace scur pa e Isla di Aruba, toch nos pueblo a persevera cu e meta

di logra nos libertad.

Awe mas cu nunca, e pueblo Arubiano ta convenci pa medio di nos tenacidad, determinacion cu mira futurista cu un pais chikito tin e derecho di auto determinacion. Y ta p'esey nos ta digno di respet mutuo. Historia a muestra cu ora un pueblo uni nan mes pa un causa comun relaciona cu e bienestar di su pueblo y futuro generacion nan, semper e pueblo lo triunfa. Awe mas cu nunca a yega e momento crucial y historico pa nos kita

nos bachi politico i uni nos mes hunto como conciudadanonan responsabel pa contra aresta un biaha mas e menasa contra nos constelacion. Esaki ta e momento crucial pa defende nos posicion den Reino Hulandes.

"Ask not what your country can do for you
Ask what you can do for your country"- J.F.K.

Bernard Simon, Aruba. □



**Conoce bo AZV
nos gasto medico na 2001 y 2013**



	2001 2013		2001 2013
Hospital y cuido specialisa	113.5 miyon 173.7 miyon	Laboratorio	16.6 miyon 24.5 miyon
Botica y medionan auxiliar	58.8 miyon 65.7 miyon	Dentista	1.2 miyon 7.6 miyon
Dokter di cas	13.3 miyon 20.1 miyon	Tratamento medico den exterior	18.5 miyon 33.4 miyon
Fisioterapia	4.4 miyon 4.8 miyon	ImSan	0 miyon 22.1 miyon
Partera	0.6 miyon 1.8 miyon	Averahe di gasto anual pa asegurado	2.449 florin 3.412 florin

Na 2001 e suma di gasto medico tabata Afl. 226.9 miyon. Aña pasa e tabata Afl. 354.8 miyon.



Rumbastraat 21, Oranjestad
Pastoor Hendrikstraat 10, San Nicolas



527 9900
info@uoazv.aw



7.30 am - 4.00 pm



facebook.com/azvaruba



Rene Herd  (AVP):

MEP ta sostene den maneho di tuma medida



Paisnan grandi di Europa tambe a haya nan mes cu menos entrada pa cubri nan gastonan door di e crisis. Nan mester a fia hopi placa y nan debe nacional a subi. Pa forsa paisnan di Union Europeo pa baha nan deficit y nan debe, a fiha e norma di 3% di GDP, como un maximo cu un pais miembro di Union Europeo por tin na deficit riba nan presupuesto.

Durante di e crisis e deficit di Hulanda a subi te pasa 5% di e GDP. Bou presion di Union Europeo y e Supervision Financiero di Europa (= CFT Europeo) Hulanda mester a

reduci su deficit pa yega bou di e norma di 3%. Contrario na por ehempel Alemania, Hulanda a imponi austeridad masha pisa y a logra baha e deficit di mas cu 5% te na 2.9%. Hulanda a tuma 5 a a pa haci esaki. E proceso di corta gasto pisa na Hulanda a causa hopi problema manera tranca economia y aumento di desempleo. E autorisacion a causa ceramento di centro- nan di cuida pa ancianonan, prizonnan, servicionan medico y otro servicionan conoci y necesario den comunidad di Hulanda. Pero cu tur esey nan no a logra yega na un presupuesto balansa di 0% di deficit. Nan a logra baha e deficit bou di e norma di 3%

si.

Austeridad abrupto

Den e prome periodo di Gabinete Mike Eman a scoge pa uza finanza publico pa saca nos economia for di e abismo cu e tabata for di 2008. Tambe a uza finanza publico pa mehora forsa di compra di trahadonan, di pensionadonan y pa inverti den infraestructura di nos pais. Esaki a conduci na aumento di e debe di nos pais. E efecto positivo tabata cu economia a crece di -15% pa +3%. Desempleo a baha di 12% pa 6.7%. Forsa di compra a mehora compara cu 2009. Pa baha e deficit y e debe gabinete Mike Eman II a presenta e plan di "balanced budget". E plan ta den ehecucion y lo percura pa baha e deficit di Aruba te na 0% den cinco a a.

Despues, si Gobierno di Hulanda coopera manera el a haci cu Corsou y St. Maarten, Aruba lo por haya fianza internacional na un interes abou. Door di paga menos interes pa fiansan, door di e crecimiento economico y reduccion gradual di gastonan, gobierno di Aruba lo resta placa y lo uza esey pa cuminsa paga e debenan acumula den

e ultimo 28 a a.

Discusion

Hulanda

E discusion cu tin entre gobi-erno di Aruba y di Hulanda ta cu gobierno di Hulanda kier pa Aruba baha su deficit na 0% den un a a y no den cinco a a manera Hulanda mes a haci. Gobierno di Aruba ta scohe pa un maneho di reforma y reduccion di gastonan gradual, pa no afecta economia y perde cupo di trabou. Si sigui e deseo di Hulanda pa bay na 0% deficit den un a a, lo mester corta gasto cu 300 miyon den un a a. Mescos cu a sosode na Corsou y Hulanda, esaki lo strangula nos economia y causa desempleo masal. Pa Aruba no ta bay pa tin cifranan bunita, pero cu tin trabou y entrada pa pueblo. Pesey gobierno di Aruba kier sigui cu su propio maneho cu a duna miho resultado. Economia di Aruba lo crece e a a

Begrotingstekorten Nederland en Frankrijk



aki cu 3%. Na Hulanda e lo crece cu 0.5%, na Corsow e lo crece cu 1% y St. Maarten cu 1.6%.

Desempleo na Hulanda ta ainda na 7.25%. Na Corsow e ta 13% y na St. Maarten e ta 11%. Na Aruba e ta 6.7%. Anto pakico Hulanda kier pa Aruba sigui su maneho y corta den menos tempo loke Hulanda mes no a logra ainda den 5 a a? □

Glenbert Croes (MEP):

Gabinete no tin autoridad moral pa resolve problema aki

Mirando con frontal Gabinete Mike Eman 2 y tur su ministranan a bay den e confrontacion cu gobi-erno di Reino nos por conclui cu e gobierno di AVP no tin e autoridad moral pa bay resolve e problem- anan di nos pais cu a conduci cu gobierno di Aruba wordo sentencia cu un KB poniendo gobierno finan- cieramente bao curatela.

E situacion aki ta di compara cu un capitan cu ta nabega un barco (min pres. Mike Eman) y den barco nos pueblo.

E capitan di e barco (min pres. Mike Eman) no solamente ta stuur e barco dal riba baranca y ta zink e barco, sino riba dje e capitan ta bandona e barco lagando nos pueblo zink su so den e barco. E ehempel aki ta pa ripiti mi conclusion: Gobierno di Aruba y ciudadano minister president Mike Eman no ta e vocero apropia, ni por ta e mediador cu autoridad moral

pa resolve e asuntonan di nos pais.

Mundo para un banda

Awor AVP kier haci un lucha pa autonomia, Status Aparte, pa nos derecho di presupues- to y autonomia financiero. Pa bo tin e credibilidad y rason den e grito aki, AVP nunca mester a mal mancha finanza publico desastroso di nos pais causando/originando e KB riba gabinete Mike Eman 2. Gobierno di AVP a pone e ad- vertencianan di alerta di Raad van Advies un banda, e aler- tanan di Algemene Reken- kamer un banda, e alertanan di Banco Central un banda, e alertanan di IMF un banda, e alertanan di Fitch un banda, e alertanan di Standard & Poors un banda.

Kico AVP tawata kier? Pa mundo para un banda? Pa laga AVP sigui dicta, gasta, sigui haci y deshaci yen rikesa nan grupito mal gastando placa di nos pueblo mandando Aruba bancarota? Pakico nos digno

pueblo mester bay paga y wordo castiga cu medidanan impopular inhu- mano pa culpa di e gastamento grave di placa di Pueblo di Gabinete Mike Eman 1 & 2? Ta ken AVP ta kere cu lo mester bay paga pa saca Aruba for di e ruina financiero y bancarota cu nan a hinca gobi-erno aden? Inaceptabel: nos pueblo.

Debat pa berdad

Status Aparte Au- tonomia-Liber- tad di nos pueblo ta di nos pueblo. No di Mike Eman, no di AVP, no di MEP, no di PDR, sino di henter nos dig- no pueblo di Aruba. Libertad di Aruba cu nos libertador a lucha y realiza ta patrimonio di nos pueblo y herencia di tur nos yiunan y nan genera- cionnan cu awor ta menasa pa



e KB danki na AVP.

Inaceptabel, repudiabel y condenabel. Parlamento di Aruba cu cabes friu, cordura, serenidad y responsabilidad mester bay debati pa wak pa e organo legitimamente eli- gibel di nos pueblo contribui pa nos sali for di e confronta- cion Aruba – Hulanda aki pa e KB wordo revoca cu e so-

lucionnan pa e problemanan cu Gobierno di AVP mesa ocasiona.

Pero e mester ta un debate cu e berdad riba mesa sino nos no ta yega niun caminda. Nos digno pueblo kier sa e ber- dad. Nos kier mira e resulta- donan awe mas cu nunca e di e investigacion. □

'The Buck Stops With Me'



CHARLES M. BLOW
© 2014 New York Times

In trying to lay the blame for the border crisis on the White House's doorstep, House Speaker John Boehner exploded at a news conference on Thursday, saying of the president:

"He's been president for 5 1/2 years! When is he going to take responsibility for something?"

The suggestion in the question - that the president doesn't take responsibility for anything - is so outrageously untrue that it demands strong rebuttal.

President Barack Obama hasn't taken all the blame Republicans have ascribed to him, nor should he have. But he has often been quick to take responsibility.

In 2009, after the administration came under fire for AIG executives' receiving bonuses after the bailout, Obama said on the lawn of the White House:

"Ultimately I'm responsible. I'm the president of the United States. We've got a big mess that we're having to clean up. Nobody here drafted those contracts. Nobody here was responsible for supervising AIG and allowing themselves to put the economy at risk by some of the outrageous behavior that they were engaged in. We are responsible, though. The buck stops with me."

After the failed bombing plot on Christmas Day in 2009 by a young Nigerian man with plastic explosives sewn into his underwear, the president took responsibility for intelligence lapses, saying the next month:

"Moreover, I am less interested in passing out blame than I am in learning from and correcting these mistakes to make us safer. For ultimately, the buck stops with me."

In a 2011 interview with CNN's Wolf Blitzer, the

president took responsibility for the economy and the rate at which it was being repaired, saying:

"Well, here's what I remember, is that when I came into office, I knew I was going to have a big mess to clean up and, frankly, the mess has been bigger than I think a lot of people anticipated at the time. We have made steady progress on these fronts, but we're not making progress fast enough."

"And what I continue to believe is that ultimately the buck stops with me. I'm going to be accountable. I think people understand that a lot of these problems were decades in the making. People understand that this financial crisis was the worst since the Great Depression. But, ultimately, they say, look, he's the president, we think he has good intentions, but we're impatient and we want to see things move faster."


(It should be noted that this president has produced 45 straight months of job growth, and the June jobs report released this month was particularly strong.)

In an interview in the 2012 election cycle, the president reiterated his philosophy about presidential responsibility in response to a question about Mitt Romney's relationship to Bain Capital: "Well, here's what I know, we were just talking about responsibility, and as president of the United States, it's pretty clear to me that I'm responsible for folks who are working in the federal government and, you know, Harry Truman said the buck stops with you."

In a 2013 interview with CNN's Chris Cuomo, the president said he was accountable for Washington gridlock:

"Well, look, ultimately, the buck stops with me. And so any time we are not moving forward on things that should be simple, I get frustrated."

In an interview with MSNBC's Chuck Todd after the health care rollout, the president took responsibility for the problems rather than simply pin them on Kathleen Sebelius, then the health and human services secretary, saying: "My priority right now is to get it fixed. ... Ultimately, the buck stops with me. I'm the president. This is my team. If it is not working, it is my job to get it fixed." □



Obamacare Fails to Fail



PAUL KRUGMAN
© 2014 New York Times

How many Americans know how health reform is going? For that matter, how many people in the news media are following the positive developments?

I suspect that the answer to the first question is "Not many," while the answer to the second is "Possibly even fewer," for reasons I'll get to later. And if I'm right, it's a remarkable thing - an immense policy success is improving the lives of millions of Americans, but it's largely slipping under the radar.

How is that possible?

Think relentless negativity without accountability. The Affordable Care Act has faced nonstop attacks from partisans and right-wing media, with mainstream news also tending to harp on the act's troubles. Many of the attacks have involved predictions of disaster, none of which have come true. But absence of disaster doesn't make a compelling headline, and the people who falsely predicted doom just keep coming back with dire new warnings.

Consider, in particular, the impact of Obamacare on the number of Americans without health insurance. The initial debacle of the federal website produced much glee on the right and many negative reports from the mainstream press as well; at the beginning of 2014, many reports confidently asserted that first-year enrollments would fall far short of White House projections. Then came the remarkable late surge in enrollment. Did the pessimists face tough questions about why they got it so wrong? Of course not. Instead, the same people just came out with a mix of conspiracy theories and new predictions of doom. The administration was "cooking the books," said Sen. John Barrasso of Wyoming; people who signed up wouldn't actually pay their premiums, declared an array of "experts"; more people were losing insurance than gaining it, declared Sen.

Ted Cruz of Texas.

But the great majority of those who signed up did indeed pay up, and we now have multiple independent surveys - from Gallup, the Urban Institute and the Commonwealth Fund - all showing a sharp reduction in the number of uninsured Americans since last fall.

I've been seeing some claims on the right that the dramatic reduction in the number of uninsured was caused by economic recovery, not health reform (so now conservatives are praising the Obama economy?). But that's pretty lame, and also demonstrably wrong.

For one thing, the decline is too sharp to be explained by what is at best a modest improvement in the employment picture. For another, that Urban Institute survey shows a striking difference between the experience in states that expanded Medicaid - which are also, in general, states that have done their best to make health care reform work - and those that refused to let the federal government cover their poor. Sure enough, the decline in uninsured residents has been three times as large in Medicaid-expansion states as in Medicaid-expansion rejecters. It's not the economy; it's the policy, stupid. What about the cost? Last year there were many claims about "rate shock" from soaring insurance premiums. But last month the Department of Health and Human Services reported that among those receiving federal subsidies - the great majority of those signing up - the average net premium was only \$82 a month. Yes, there are losers from Obamacare. If you're young, healthy, and affluent enough that you don't qualify for a subsidy (and don't get insurance from your employer), your premium probably did rise. And if you're rich enough to pay the extra taxes that finance those subsidies, you have taken a financial hit. But it's telling that even reform's opponents aren't trying to highlight these stories. Instead, they keep looking for older, sicker, middle-class victims, and keep failing to find them. □

No a bisa ki tipo di medida:
**Minister Navarro ta pidi indulgensia
pa medidanan drastico**



WILLEMSTAD – Minister di Husticia Nelson Navarro a pidi indulgensia pa e medidanan drastico cu lo bay tuma relaciona cu combatimento di criminalidad. E minister no a bisa cua medidanan lo bay tuma. E presentacion di minister Navarro na radio y television tabata relaciona cu e caso serio cu a tuma luga e siman aki na Aeropuerto.

Na number di Gobierno di Corsou el a manda un palabra di pesame pa e famianan di e defuntonan y un palabra di pronto recuperacion na esunnan cu a keda herida durante dje suceso sumamente lamentabel cu a tuma luga. Minister Navarro a bisa cu criminalnan a dicidi di regla cuenta cu otro sin tene cuenta mes cu bida di hendenan inocente na aeropuerto Hato. E mesun anochi el a tene contacto cu demas ministernan y tambe e la keda den contacto cu e cuerpo di polis cu ta na aeropuerto. E la yama un reunion diaranson mainta 8or cu Ministerio Publico y cu e team di maneho di cuerpo policial. A reuni ampliamente riba e suceso y a tuma cierto decisionnan cu pueblo lo bay experiencia como medidanan drastico.

Plan di accion

Segun e minister a splica, tin un par di siman caba cu ta trahando riba un plan di accion cu lo keda implementa otro siman. “Pero mirando e suceso cu a tuma luga na aeropuerto no por warda mas te cu otro siman. E decision

a cay cu for di awe e accion drastico aki lo bay tuma luga. A percura pa sin mas tin seguridad na aeropuerto. Esaki a keda implementa mesora y tambe lo bay ripara cu e cuerpo policial lo ta constantemente riba caya. Lo bay tin tambe otro medidanan drastico cu lo bay keda implementa. Naturalmente esakinan lo no por keda divulga, debi cu tin otro nan cu tambe ta scucha. Pero e mensahe cu gobierno ke manda pa pueblo ta cu e ta dicidido.

Ayera a reuni den conseho di ministernan caminda a pasa riba e suceso cu a tuma luga diamars anochi y caminda a bisa bon cla ta basta awor. Ta basta awor cu e criminalidad cu ta asota nos pueblo di e forma aki, ta basta awor cu e reglamento di cuenta entre gangnan cu a existi bida di dos hende y cu a herida hendenan inocente. Sin mas lo mester tuma e medidanan cu tabatin plania pa tuma”.

Medida extra ordinario

Mas aleu e minister a bisa, cu nos ta den un situacion sumamente ferfelo cu ta existi medidanan extra ordinario. “Ta p’esey minister di Husticia ta dirigi su mes na nos comunidad, debi na e medidanan cu ta bay tuma luga. Ta medidanan cu lo bay afecta nos privacidad i ta p’esey minister ta haci un apelacion riba nos cada un su indulgensia, tambe nos comprension pa e medidanan cu lo keda tuma. Pero ta medidanan cu mester keda tuma, debi cu awor aki a pasa e frontera di loke ta tolerabel.

Pa basta dia caba nos comu-

nidad ta enfrenta un situacion sumamente ferfelo di criminalidad caminda atracan ta na ordo di dia. A prepara durante simannan contesta riba esakinan. Loke a sosode diamars anochi na aeropuerto, a pone cu sin mas awor mas cu nunca nos mester implementa e medidanan aki. Esaki ta nifica cu for di awor pueblo lo ripara cierto medidanan cu lo keda tuma y cierto accionnan cu lo keda tuma. Un biaha mas e tin di bisa cu gobierno no por bay divulga tur e medidanan cu lo bay keda implementa, pero for di awor a cuminsa cu nan y pueblo lo por tin e seguridad cu gobierno lo bay sigui cu nan te fin di aña sigur, caminda lo bay atende cu esunnan cu ta comete crimen den e pais aki”.

Gobierno lo percura pa tranquilidad

Minister Navarro a bisa finalmente, cu e sa cu nos ta un pueblo fuerte. E sa cu nos ta un pueblo cu ta biba den un estado di derecho. E sa tambe cu e pueblo aki tin confiansa den su autoridadnan y cu e pueblo aki lo no tolera pa e loke cu nos ta pasando aden aki sigui. Cu e confiansa ey den pueblo e ta segura nos comunidad cu gobierno lo atende e temporada ferfelo aki y cu gobierno lo percura pa e tranquilidad bini bek den riba nos isla.

“E ke gradici nos comunidad pa e audiencia. E ke gradici nos comunidad pa e comprension y ke gradici pa e indulgensia di a scuch’e. Awe nochi e ta sigur cu pa loke cu ta bay sosode cu e pueblo lo compronde, ta pa kico a tuma e medidanan aki. E ta yama danki na tur e instancianan cu rapidamente a duna nan aporte pa por atende cu e suceso sumamente lamentabel aki na nos aeropuerto internacional. Tambe e ke gradici e pueblo for di awor pa e sosten cu mester duna na e medidanan aki cu ta keda tuma. Esaki debi cu nos mester realisa cu sin sosten di e pueblo, gobierno lo no por realisa su meta.

E ke pidi henter nos comunidad un yudansa, pasobra tur esunnan den barionan, tur esunnan cu ta biba na Corsou aki, den e situacion cu nos ta awor aki, mester duna un man pa nos por atende cu e asunto di criminalidad aki”, asina el a bisa. □



Relaciona cu tiramento, PAR a pidi reunion urgente:

“Corsou ta pidi pa accion concreto pa frena crimen”

“No ta e prome biaha cu e partido ta pidi pa atende cu e situacion di crimen den nos pais”.

WILLEMSTAD - Fraccion di PAR a entrega un peticion na presidente di parlamento pa convoca un reunion dentro di 2 biaha 24 ora, relaciona cu e situacion di crimen den nos pais. Motibo directo ta naturalmente e caso cu a ocasiona un shock den comunidad, den cua dos gang a bay regla cuenta na aeropuerto Hato, lagando un saldo di dos morto y varios herido. Mester apunta cu aunke ta PAR a pidi e reunion, tin un preocupacion cerca basicamente tur fraccion den parlamento di Corsou pa e situacion alarmante cu Corsou ta confrontando pa loke ta e ola di crimen den nos pais.

Lider di fraccion di PAR Zita Jesus-Leito, a confirma cu nan a entrega e peticion.

Esaki, asina e la bisa, no ta e prome biaha cu e partido ta pidi pa atende cu e situacion di crimen den nos pais. Esey a sosode na varios ocasion den pasado, Jesus-Leito a bisa.

E la muestra cu tin un preocupacion profundo den comunidad pa e situacion cu crimen a alcansa awor aki, un preocupacion cu e partido ta comparti por completo.

“Si bo pone bo horea na e preocupacion aki di comunidad, bo ta constata cu tur hende, homber y muhe ta bibando actualmente cu miedo. Tin un temor pa loke por sosode cualke momento”, e lider di fraccion a bisa.

E la agrega cu su fraccion a pidi pa minister presidente y minister di husticia ta presente na e reunion aki, hustamente pa muestra riba e seriedad di e situacion.

“Nos a yega na e punto awor aki cu nos ke mira accion concreto. Cu tur respet, pero no tin tempo pa bay traha plan awor aki. Pueblo ke tende concretamente kico gobierno ta bay haci”, e la bisa.

Por cierto cu ayera merdia a tuma luga e Seniorenenconvent, esta e encuentro entre e minister di husticia y lidernan di fraccion.

Tabata un bon reunion y ey nos a haya tende cu ta bin medida entrante mesora, Jesus-Leito a indica.

Den e reunion aki e preocupacion grandi cu tin awor aki a bin dilanti, e la agrega.

Manera ta entretanto conoci, minister Nelson Navarro a anuncia ayera nochi den un discurso nacional, cu ta bin medida for di awe. Kico nan ta, obviamente pa motibonan strategico, e minister no a anuncia.

“Un cos ta sigur: mester actua awor aki anto cu man firme. E criminal mester compronde cu ta gobierno ta na mando”, di acuerdo cu Jesus-Leito, lider di fraccion di PAR den parlamento di Corsou. □

MFK ta pidi pa evita ripiticion

Gerrit Schotte: Tin minister cu a bay cas a funciona miho cu minister Navarro

WILLEMSTAD – “Pa menos a baha diferente minister den ultimo tempo. Tin minister cu a bay cas cu a funciona miho cu minister Navarro”. Asina lider di MFK, Gerrit Schotte a comenta relaciona cu e desaroyonan di criminalidad cu a culmina cu e tiramento diamars anochi na aeropuerto.

Schotte ta bisa, cu ta cu lamento su partido a tuma nota di e tragedia cu a tuma luga na nos aeropuerto Hato. “Yiunan di tera y turistanan a pasa den susto di nan bida y algun di nan a bira victima di e tragedia aki. Durante campaña electoral di 2012 un di e puntonan di prioridad pa MFK tabata husticia. MFK for di 2012 a muestra cu mester ekipa nos cuerpo policial mas miho, pa asina e por combati e ola di criminalidad cu a bin ta asota nos dushi Corsou pa demasiado tempo. Hopi no a tuma nos na serio, pero durante di e dos ultimo añanan aki tin suficiente prueba cu ta neglishando e cadena hudicial. Aeropuerto y haf ta prioridadnan number un ora nos ta papia di siguridat nacional di cualkier pais. Mundialmente bo(so) por observa

cu paisnan ta pone bon proteccion policial y hudicial na aeropuerto y hafnan, pasobra aeropuerto i haf ta aranan cu ta sumamente vulnerabel pa actonan criminal y di terrorismo dor cu nan ta frontera pa entrada di nos pais. Con por ta posibel cu despues di e tragedia aki nos minister di husticia ta duna declaracion cu nos aeropuerto ta un area priva i cu ta e operador di aeropuerto mester garantisat siguridat di e bishitante?”

Speech Navarro

Mas aleu e dirigente politico ta bisa, cu el a tuma nota di e speech di minister Navarro. “E contenido no ta diferente na locual nos a bin ta tende e ultimo 20 lunanan for di Gobierno. Constantemente nos mester scucha cu minister di Husticia ta informa, cu pa motibo di finansa cu e no tin, no por haci cierto ehercicionan y ehecuta strategianan pa minimalisa criminalidad. Mester pone cen disponibel mas pronto posibel pa mantencion di orden publico of no ta berdad cu e Gobierno aki a aproba un presupuesto di 1900 miyon florin pa e gasta na 2014? Mantencion di orden publico y trabounan di inteligencia policial mester bira



prioridad number un mas ainda, despues di e tragedia na nos aeropuerto. Ki bal nos pone turismo como prioridad number un anto nos no por garantisat ni nos pueblo siguridat te pa nos por brinda e turista cu ta bishita Corsou siguridat. A yega e momento pa nos como ciudadanonan di e pais aki exige di gobierno pa siguridat den nos propio pais bira prioridad number un.

Pa pone fondonan disponibel pa por ekipa nos cuerpo policial y departamento di inteligencia policial “lokal”. Naturalmente poniendo fondonan disponibel so no ta suficiente pa combati criminalidad, nos mester di envolvimento di cada ciudadano pa señala y informa autoridad y tambe un minister di Husticia competente cu por “turn-around”

e direccion espantoso cu criminalidad a tuma durante di e dos ultimo añanan aki. E actual minister di Husticia a demostra, cu e no por contene ni minimalisa criminalidad.

E maneho di e actual minister di Husticia a contribui na un aumento drastico di criminalidad. Na numeroso ocasion a cambia minister den e gabinete aki. Tin minister cu a bay cas cu a funciona mas miho cu minister Navarro. MFK kier sa cuanto daño mas criminalidad mester haci nos yiunan di tera, turista y nos imagen como pais pa manda Navarro cas. Politicamente MFK su fraccion lo pidi un reunion publico of en todo caso lo sostene pa esaki tuma luga pa un biaha mas debati riba e topico di husticia y wak si esaki lo por bay riba

e caminda corecto pa asina ciudadanonan di Corsou por sinti na mes “safe” den nan cas y riba caya.

Idea pa yuda soluciona

Nos fraccion lo presenta algun idea cu lo mester yuda soluciona criminalidad. Pa no solamente turistanan cu bishita Corsou por recorda nos pais pa su hendenan amabel y cordial y no pa un pais caminda nan ta wordo atraca of asesina, pero tambe pa nos ciudadanonan sinti na mes sigur den nan pais. Movimiento Futuro Corsou ta convivi cu e victimanan inocente y tambe na tur esunnan cu tabata presente na aeropuerto y cu a wordo traumatiza na momento cu e tragedia aki a tuma luga.

Nos por imagina nos mes e susto y dolor cu cada un di bosnan a pasa aden. MFK ta desea cada un di bosnan forsa pa surpasa e momentonan dificil aki. Ciudadanonan di Corsou, na cada un di bosnan forsa den e momentonan dificil aki, e tragedia aki no mester ripiti nunca mas riba nos dushi Corsou”, asina Schotte a bisa.

Pueblo di Corsou no perde Speransa. Cambio ta posibel, basta nos kier y cu boluntad di Dios. □

Usuarionan casi 10 ora sin Internet di UTS



WILLEMSTAD – Usuarionan a keda casi 10 ora sin servicio di Internet di UTS. Tabatin hopi reclamo cu no a comunica e problemanan na tempo. Ta te despues di 7or di mainta numa, e compania a anuncia e problema, por cierto na Tele-Kòrsou cu hendenan cu ta trahando no tabata mirando na e momento ey. Despues di 8or a bay tambe algun otro medio.

E compania a informa cu

diaranson anochi, 16 di juli 2014, for di algo pasa di 10or, UTS a haya problema imprevisto riba su plataforma di internet, debi na un storing cu a surgi cu e sistema di kabel di su proveedor di Internet na Merca. Relaciona cu esaki, servicionan den Chippieland cu ta uza internet manera ADSL, ATE, 3G, 4G+, BlackBerry data, Office DSL y IP leased lines, a keda afecta.

Ayer mainta pa 9:30or, tur conexion a keda reestableci

y tur cliente por haci uzo di nan servicionan relaciona cu internet atrobe manera nan a custumbra.

UTS ta bisa cu e ta lamenta e suceso aki, cual ta uno totalmente imprevisto y fuera di su alcance y ta pidi su mas sincero disculpa pa e inconveniencia cu esaki a ocasiona. No obstante e caracter imprevisto di e tipo di interrupcionnan manera esun aki, UTS lo keda vigila e situacion aki di hopi cerca, asina e compania ta bisa. □

Den atraco awe mainta na Zetraco:

Atracado a bay cu saco di batata keriendo ta placa

WILLEMSTAD – Un atracado a bay awe mainta cu un saco, keriendo ta placa. A resulta cu ta un saco di batata el a bay cu ne den su accion na e compania Zetraco na Seru Loraweg. Den tur e situacion di seriedad cu

Corsou ta pasando aden, e caso a causa hilaridad.

Tabatin comentario, cu awor e por bay traha batata chips y batata machica. Otronan cu a comenta mas serio a bisa, cu kisas esey ta ilustra e

hamber cu tin den comunidad.

E caso ta bin algun ora despues cu minister di Husticia Nelson Navarro a indica, cu lo bay tuma medida drastico contra criminalidad. El a pidi inteligencia di comunidad pa e accionnan cu ta na caminda. □



Policlinica renoba di SEHOS ta conta awor cu 17 specialista



WILLEMSTAD – Tin avancen grandi na Policlinica di SEHOS. E luga a haya un renobacion ultramoderno, segun gerencia a mustra prensa recientemente.

Hunta di Directiva di St. Elisabeth Hospitaal (SEHOS) pa algun aña caba a bin ta ehecuto un serie di proyecto grandi, den su afan pa halsa calidad di e cuido clinico y policlinico cu ta ofrece na pueblo di Corsou. Den e cuadro aki a inicia algun luna pasa un proceso di renobacion fisico di e facili-

dadnan policlinico, banda di implementa proyectonan di integracion di specialistan medico bou di un dak y adkision di instrumentonan bio-medico sofisticada. Cu yudansa financiero di Banco di Seguro Social (SVb) y bou di guia tecnico di e oficina di arkitectonan di Project Planners & Designers N.V., a inicia algun luna pasa cu trabounan di renobacion di e Policlinica situa na entrada di Hospital den Breedestraat, conoci den boca di pueblo como "Poli Nobo".

a renoba y re-aloca oficina di e specialistan, crea salanan di reunion ultramoderno y tambe, instala ekipo y instrumentonan 'state of the art', pa asina por brinda pueblo di Corsou un nivel halto di cuido specialista. Banda di esaki, Hunta di Directiva, cu coordinacion di e oncologo y co-gerente di e Policlinica, dr. Franke Scheper, a inicia un proceso pa integra mas tanto posibel specialistan medico den e estructura di specialismonan medico cu SEHOS ta ofrece

Gastonan di renobacion

E gastonan envolvi den e renobacion aki ta alrededor di 5.5 miyon florin. E renobacion a inclui remodelacion di e area di recepcion na entrada, instalacion di dos lift ultramoderno, remodelacion di e sala di espera na piso 1 y 2. Banda di esey

na publico. Cu hopi satisfaccion Hunta di Directiva por bisa cu actualmente Policlinica di SEHOS ta conta cu no menos cu 17 specialista den servicio, mientras cu unabes renobacion di e di tres piso ta completa, lo aña un total di 15 specialista mas na e staf di specialistan medico di SEHOS.

E specialistan cu actualmente ta den servicio di SEHOS na Policlinica ta:

Dr. Jean-jamil Rojer, ciruhano Maksilofacial (Kaakchirurg)
Dr. Nadjah Wagner – Buitengeweg, specialista di garganta, nanishi y horea (KNO-arts)
Dr. John-John Snog, internista hemato - oncologo
Dr. Dirk Scheper, internista – oncologo
Dr. Robert de Lannoy. Internista
Dr. Gerrit Schakel, internista
Dr. Rachida Griffith, internista – endocrinologo
Dr. David Nellesteijn, ciruhano
Dr. Remco Stokman, ortopedico
Dr. Victoria Jaramillo Ruales, neurologo
Dr. Melissa Gomes Bravio –

Delgado Castro, ginecologo
Dr. Igor Gomes Bravio, ginecologo
Dr. Hetje Holtsema, ginecologo
Dr. Roxanne Gouverneur, dermatologo
Dr. Patricia Philippi, pediatra

Banda di e inversionnan haltu cu a haci na y den e Policlinica, Hunta di Directiva pa algun tempo caba ta ehecutando un maneho concentra riba modernisacion y actualisacion di tanto su facilidadnan clinico como tambe di su personal di enfermeria y cuido.

Den e cuadro aki por menciona inversionnan grandi cu a haci den renobacion di e theaternan di operacion, realisacion di un centro di cateterisacion (CatLab), adkision di aparatonan di radiologia, adkision di un aparato di MRI, compra di camanan nobo, instalacion di lift nobo pa pashent riba cama, instalacion di un centro di radioterapia y apertura di un centro di educacion, specialmente pa halsa nivel di conocimiento di su personal di enfermeria y cuido. □

Dia 9 di augustus:

Explosion di reggae ta na caminda cu Curaçao Reggae Festival

WILLEMSTAD – Despues di tour pa mas cu un luna na Europa, e leon di reggae, Junior Tecla ta cla y carga pa los e temblor di reggae na e prome festival di reggae: Curaçao Reggae Festival! Despues di a scucha e demanda di e publico pa mas reggae, Junior Tecla a forma un line-up impresionante di algun di e tremendo artista di reggae internacional pa ofrece Corsou un experiencia di reggae cu lo laga hasta esunnan cu no ta masha amante di reggae gosa di e festival aki cu lo marca historia.

E line up ta completo: Directamente for di Jamaica, e bos sensual di Shuga lo hipnotisa tur hende y su presentacion, lo laga e publico pidi pa mas. E atletico Maikal X, kende tabata antes miembro

di Postmen tambe ta cla pa duna Corsou un presentacion tremendo. Danki na e colaboracion di e fundacion Art Rules Curaçao, ta haci posibel pa Maikal X, participa na Curaçao Reggae Festival. E artista di reggae rap, Ashwin Jaydee, di Surnam, tambe ta join e line-up di e artistanan internacional cual hunto cu Junior Tecla y su banda for di Hulanda, All Star Reggae Band, lo presenta un Tributo na Bob Marley mas miho cu nunca.

Pero esey no ta tur cos: riba e stage di Curaçao Reggae Festival lo presenta 16 artista local, manera VibeNation cu Farley Fairbairn, Issocco, Capoeira show, reggae dance show cu lo yuda haci e evento un reggae festival di taya internacional.

Landhuis Brievengat lo habri su portanan for di 5.00 di atardi. E presentacion bibo

lo sigui te cu marduga. Pero esaki no ta final di e anochi. Mesora na un otro area di Landhuis Brievengat, e Groove Lounge DJ's lo cende e candela di e after party cu lo laga tur hende gosa te cu 4.00 di marduga.

Reggae ta para pa AMOR y UNIDAT y ta p'esey Curaçao Reggae Festival a compromete nan mes pa crea un area special pa personanan cu tin un deshabilidad fisico pa nan tambe por bin gosa di Curaçao Reggae Festival. Tambe Curaçao Reggae Festival hunto cu Go Weekly magazine a regala carchi na fundacionnan manera Alton Paas, Uniek Curaçao, I-Animal y varios otro organisacion cu ta haciendo un tremendo trabou den nos comunidad.

Carchi na benta

Carchi ya ta na benta y ta



obtenibel na balor di Naf. 45,-. Special pa e amantenan di reggae cu ke gosa estilo di Bob Marley, tin carchi Bob Marley VIP na balor di Naf. 95,-. E Bob Marley VIP cual ta limita, ta ofrece entrada express, toilette priva, parkeerplaats paden, boter di bebida, VIP view, mesa cu stoel, bar priva cu waiter y Meet & Greet cu e musiconan. Carchinan ta obtenibel na Mesings Caminada, Albert Heijn, Beep Beep, Bruna, Van Den Tweel, y De Heeren.

Curaçao Reggae Festival ta birando un evento mas grandi di loke a premira. Ta p'esey

lo no tabata posibel pa haci e evento aki sin no ta pa sosten di Licores Maduro, Insel Air, TeleCuraçao, New Day, Massive, Living Green, Cannabis energy drink, Polar, Go Weekly, OnTop Magazine, Coca Cola, Little Souk, Reboot, and FunMiles.

Curaçao Reggae Festival lo sigui demostra e lema di reggae "Un Amor" na nos comunidad, dor di diferente campaña cu lo bay tuma luga den e siguiente simannan. Pa keda na altura, sigui Curaçao Reggae Festival na: www.facebook.com/Curaçao-reggaefestival. □

Segun rapportnan: investigacion andando

Avion di Malaysia Airlines tira na Ucrania



KUALA LUMPUR, Malaysia (AP) – Ayera un avion di Malaysia Airlines cu tabata biaha for di Amsterdam pa Kuala Lumpur, Malasia, a cay na e parti oost di Ucrania, segun e agencia di noticia Ruso, Interfax a informa.

Malaysia Airlines a confirma di a perde contacto cu e vuelo MH17, y cu e ultimo posicion conoci di e avion tabata riba e espacio aereo di Ucrania, e aerolinea a informa riba Twitter. E avion a wordo “benta abou” na Ucrania, pa “terroristanan” cu ta opera un

sistema di misilnan tera-aire, segun e pagina di facebook di Anton Gerashchenko, asesor di Ministerio di Interior di Ucrania. Tabata tin abordo 283 pasahero, tambe 15 miembro di tripulacion, Gerashchenko ta sigui post. E president di Ucrania, Petro Poroshenko, a bisa: “nos no ta descarta cu e avion a wordo benta abou, y nos a confirma cu e Fuersa Arma di Ucania no a tira ningun obheto den shelo.” Ucrania a indica cu nan lo haci un investigacion kico a pasa cu e avion, y si enberdad esaki a wordo tira abou.

Problema Rusia-Ucrania

E tensionnan entre Ucrania y Rusia a aumenta, desde cu a manifesta riba cayanan, cu a provoca e salida di e poder di e presidente pro Moscu Viktor Yanukovich na februari. Despues cu Rusia a anexiona e region di Crimea, na e parti zuidoost di Ucrania, y a surgi un rebelion separatista pro Rusia den e regionnan di Ucrania di Luhansk y Donetsk.

E forsanan di Ucrania a trata di para e violencia separatista. E gobierno di Ucrania a acusa Rusia di permiti armanan ilegal crusa, y ekiponan militar pa e separatistanan pro Rusia. E Pentagono a bisa diaranson, cu Rusia tin awo 12.000 soldaat na e frontera cu Ucrania, asina manera ekiponan pisa.

Ayera, CNN a informa cu autoridadnan Ucrania a bisa cu un avion Ruso a wordo benta abou pa un casa di Ucrania ora cu e aeronave tabata bula riba e espacio aereo di Ucrania. □



GAZA, Egipto (AP) - Israel a reanuda su atakenan ayera riba e Franja di Gaza, despues di e stopmento di fuego humanitario di cinco, ora cu a cuminsa ayera mainta. Avionnan di Israel a tira riba tera agricultura na Beit Lahiya, testigonan a splica. No tabata tin herido. Mientras, negociadonan di Israel y miembronan di e grupo Islam Hamas ta purba di logra pa stop e fuego amplio na Egipto, cu lo cuminsa awe.

Un mando halto di Israel a anuncia ayera mainta cu e negociadonan a yega na un acuerdo di para e bringamento, pero poco despues, un hefe di Hamas a nenga e extremo aki rotundamente, den e co-

responsal di medianan di comunicacion, cu ta sigui e negociacionnan. E minister di Exterior di Israel, Avigdor Lieberman, a declara cu e informacionnan, riba un stopmento di tira ta “incorrecto na e momentonan aki.” Fuentes di Israel a muestra cu e stopmento di tiro lo cuminsa



Mientras cu violencia ta sigui

Israel y Hamas ta negociando pa stop e tiramento na Gaza

awe mainta pa 6or.

Bom scondi

Di otro banda, e paramento di fuego humanitario no a wordo hiba den hostilidad. Prome cu a termina e tregua, tres bom a wordo lansa desde Gaza pa e teritorio di Israel, autoridadnan di e pais a afirma. E Agencia di Nacionnan Uni pa e refugiadonan a anuncia di a haya alrededor di 20 bom scondi den un scol bashi na Franja. E agencia a “condena rotundamente” e responsabelnan di a pone e bomnan eynan, den cual a wordo cualifica di “violacion flagrante” di derecho internacional.



Victimanan civil

Ademas, Israel a anuncia cu a impedi cu 13 militante drenta den su teritorio via un tunnel. E poblacion di Franja a probecha di e tregua pa sali pa bay cu comestibel na e mercadonan di Gaza.

E tregua temporal a wordo anuncia diaranson poco despues di a conoce cu un atake di Israel a caba cu e bida di cuater mucha Palestino, mientras cu nan tabata hunga na lama.

E presidente di Israel, Simon Peres, a declara di ta lamenta e suceso y cu “no tabata e intencion.”


E ehercito di Israel tambe a bisa cu e atake tabata di-

rigi contra e militantenan di Hamas.

227 Palestino a muri pa e atakenan aereo for di Israel, desde cu e pais a cuminsa ataca dia 8 di juli anterior. Un Israeli a muri diamars pa un bom tira desde Franja. Israel a lansa un operacion militar riba Gaza dies dia pasa cu e obhetivo declara di stop e atakenan di bom riba su teritorio.

E mayor parti di e mortonan na Gaza, sinembargo, ta civil, segun Nacionnan Uni a recorda. Israel, pa su banda, ta acusa Hamas di sconde su infraestructura militar entre e civil. □

Temblor di magnitud 6.0 a sacudi zona di Alaska



YAKUTAT, Alaska (AP) - Un temblor di 6.0 den e escala Richter a sacudi e parti Zuidooost di Alaska y e zona Canades di Yukon, na e parti noordwest di e continente Mericano.

A pesar di su magnitud, e temblor no a laga victima ni dañonan di material, segun e prome rapportnan di Centro

di Temblor di Alaska a informa.

E temblor a sosode rond di 3:49 di madrugada y su epicentro a wordo ubica na 99 kilometer noordwest di e localidad di Yakutat – cerca di e frontera cu Canada – y esaki a wordo sinti te na e zona di Whitehorse, na e teritorio di Yukon. □

Microsoft lo despedi 18.000 trahado rond mundo

WASHINGTON, Merca (AP) - E compania di Microsoft a anuncia ayera cu lo despedi 18.000 trahado na henter e mundo, cerca di 15% di su forza laboral, otro aña.

E mayor parti di recorte, alrededor di 12.500 luga, lo wordo haci den Nokia,

den e division di telefonnan mobil cu Microsoft a cumpra na april. Ta e recorte mas grandi den 39 aña di Microsoft.

E hefe ehecutivo di e empresa, Satya Nadella, cu a yega na e posicion na principio di e aña aki, kier pa e empresa dirigi su mes na e servicionan online y e aplicacionnan, na luga di software. □



Ecuador ta integra den e pacto comercial entre Union Europeo, Colombia y Peru

QUITO, Ecuador (AP) - Ecuador a anuncia ayera di integra den e pacto liber di comercio entre e Union Europeo, Colombia y Peru.

E acuerdo ta implica cu e productonan agricolas Ecuatoriano, excepcion di

e banananan, lo dreña den e UE sin derecho.

“Ta un acuerdo ambicioso pa Union Europeo y pa Ecuador,” e minister Ecuatoriano di Comercio Exterior Francisco Rivadeneira a bisa. □

Investigando violacion di un mucha muhe di seis aña

BANGALORE, India (AP) - Polis di India a ricibi un denuncia di violacion di un mucha muhe di seis aña, cu a wordo asalta, supuestamente pa trahadonan di un scol di e ciudad di Bangalore, na e parti sur di e pais.

E sospechosonan di e atake ta un maestro di gimnasio y un miembro di seguridad di e scol, segun informa-

cionnan. Aunke cu e incidente a pasa dos siman pasa, solamente a wordo informa awo, pasobra e mucha a bisa cu e ta sinti malo, y a wordo atendi pa un dokter.

Hopi mayor a protesta na salida di e scol y a pidi pa tuma medida contra e director y acusadonan, pa loke cu a pasa. Mayornan ta pidi pa husticia actua contra e acto aki. □





Hungado nobo pa Madrid



Les a pagina B6

Na caminda pa regatta



Les a pagina B2

Coordinador nobo pa Brazil



Les a pagina B6

Preparando pa e di 6 edicion di Aruba International Regatta



ORANJESTAD - Dia 15, 16 y 17 di augustus, e di 6 edicion di e Aruba International Regatta ta tuma luga na Surfside Beach. Ta dedica 3 dia na caredanan entre yatenan, beach cats, sunfish, optimist, windsurfing y kitesurfing unda tambe tin 3 anochi cu musica y fiesta pa tur participante y pa deleita di e publico presente.

E aña aki atrobe e Budget Marine Copa ta bay pa e ganado den e clase mas competitivo. E copa aki ta wordo otorga pa e di 4 biaha y tin un balor di Afl. 1000,-. Hobennan por participa den e clase di Optimist, boto di vela pa principiante. Caredanan di largo distancia ta wordo or-

ganisa tanto pa windsurfers como pa kites.

E exito rotundo cu e regatta di 2013 a cosecha, unda a conta cu mas di 40 vela riba lama a haci cu e aña aki e organisacion ta amplia e evento cu un regatta center pa sigura cu e participantenan y publico presente por disfruta di e

pustamentonan espectacular riba lama y cant'i lama. Tin musica y cuminda y a percura pa tin hopi sombra.

E Aruba International Regatta no ta solamente un evento pa e participantenan, pero tambe ta e luga perfecto pa bin topa otro entre 9 y 11 di augustus.



Esunnan cu kier sigui e caredanan, cant'i lama, ta cordialmente invita pa bin haci esaki den un ambiente ameno, y relaha, pasobra e clausura lo ta un pachanga riba beach.

Tur e caredanan di e evento y competencianan ta tuma luga cant'i lama na Surfside. Cu e sosten di e sponsoran Budget Marine, ALBO, WEB-Aruba, Studio Advisory, Power Systems, ASD, ADCTRA, Zenitel, SEA-Aruba, ISS, RO-Tech, Del

Rey a logra e aña aki pa organisa un programa tremendo cu ningun hende mag di hera. Mayoria di e participantenan ya caba ta cla cu nan preparacion pa e competencianan y tin un cantidad substancial di participante internacional cu a inscribi caba. Pa mas informacion, bishita nos website www.aruba-regatta.com, yama (+) 297 5656887, pero tambe riba FB <https://www.facebook.com/arubaregatta>. □

For di dia 26 pa 28 di september

Aruba lo tene su feria internacional anual di Interpaso 2014



ORANJESTAD - E exito di Aruba den e Mundial di Confepaso di Jinete & Amazona recien, cu a tuma luga na e ciudad di Pereira, a tira un luz hopi fuerte y positivo riba nos isla y tambe riba Aruba su feria internacional anual "Interpaso". E interes internacional pa Aruba despues di e resultadonan cu yen exito di e

muchanan di Aruba, tabata practicamente mesora. Cabayistanan di exterior kier cuminsa blokia e fecha, pa asina nan por ta presente pa participa, y na Aruba tambe a cuminsa puntra si ya Organizacion Cabayista Arubano a fiha un fecha. "Interpaso 2014" ta tuma luga entre 26 y 28 di september na Villa Florealina.

Presidente di OCA, Alex Cybul tin un reunion importante cu e director general di Instituto Colombiano Agropecuario (ICA) dialuna dia 28 di juli proximo, na e capital Colombiano, pa yega na un entendimiento di cooperacion concreto. E ultimo biaha tabatin hopi complicacion cu e salida y re entrada di e cabaynan Colombiano. Esaki a causa molester y inconveniencia grave pa e cabayistanan cu a trece nan cabay pa competi na Aruba y despues ta regresa nan pais. Ta spera cu un contacto personal lo por crea un miho laso di confianza, y cooperacion cu lo beneficia e intercambio deportivo na favor di e deporte di e cabaynan di paso Colombiano.

Durante e mundial a lanta un curiosidad grandi, di con

Aruba como isla asina chikito y cu asina poco cabay, ta logra resultado asina impresionante cu su muchanan den Mundial. Cu e 3 medayanan di oro, ta Colombia so a logra gana 5, tabatin mas medaya di oro cu Aruba. Aruba a bay cu 16 participante y Colombia

cu 76. Den e total di medaya Aruba a logra e tercer luga, contra paisnan manera Merca, cu a participa cu 37 atleta y Puerto Rico cu 42. Nan tabatin 2 medaya di oro cada un.

Tin algun cabayista cu kier trece nan cabaynan cu ta mundialmente conoci pa competi na Aruba, loke lo duna un realce enorme pa e competencia y esey na su turno ta atrae cabayistanan di henter e region pa bin presencia e feria na Aruba. E cabaynan cu lo bin Aruba ta "Atractivo de la Piramide", cu tin e status Fuera de Concurso y pa dos aña consecutivo e tabata "El Caballo de Año". E otro ta "Barbaroja" cu na e momento aki ta considera como e cabay no.1 pa e titulo di "El Caballo del Año". Esaki ta nifica cu cabaynan di Aruba lo mester train duro pa topa e reto aki. □



Mens Erger Je Niet Live ta continua fuerte



ORANJESTAD - Fin di siman pasa, den e ambiente dramático di final FIFA World Cup Brasil, Mens Erger Je Niet Live tambe a conoce dos anochi espectacular cu weganan eliminatorio, valido pa segunda ronda.

Den prome partido di diabierna, Toyota ta sali victorioso y asina clasifica pa ronda number tres Pool B. Na di dos luga a keda Leysner & de Cuba cu tambe ta clasifica. Total Services y Citizens a keda elimina. Pa di dos partido Heavy Yiu #2 ta clasifica como number un, sigui pa Chill Swa. The Jolly Jokers y S.I.S.S. lastimamente ta cay afo.

Diasabra Sticky Girls ta gana nan di dos wega di campeonato, y asina segura nan puesto pa ronda number tres, Pool A. Mescos cu I Love My Job, cu a termina na di dos luga. Jun Jun Racing y Family Gang no ta logra clasifica. Di dos partido a conoce Sin Miedo como ganado y 1 Life 2 Live number dos. The Beef People y Palmita di Oro no ta logra clasificacion.



Schedule di awe
Awe pa 8or di anochi lo ta enfrentando otro den Pool B ekiponan Seru Weburi (geel), Midwest Muffler Shop (berde), Bombers (cora) y Cana Malo Pasa Bon #2 (preto). Di dos partido ta programa pa start 10or di anochi, unda Flor Di Brazil (geel), Parke Arikok Sales (berde), X-Clusive

V.I.P.Crew (cora) y Cana Malo Pasa Bon #1 (preto) lo enfrenta otro.

Pool A ta continua diasabra 19 di juli cu partido 8or di anochi entre Bay Gaña Baca #2 (geel), Keep On Walking (berde), Kleine Vrijdag Crew (cora) y Old Parr (preto). Di dos partido lo ta pa 10or entre Wema Langzaam Maar Ze-

ker (geel), Bongos (berde), Grupo Gaña Sa (cora) y Banana Gang (preto).

“Un fin di siman cu ta priminti di bira super interesante brindando fanaticonan di Mens Erger Je Niet Live, weganan di caliber na caminda pa e gran final programa pa 23 di augustus proximo,” segun e organisadonan. □



Ta premira un wega candeloso

Red Machine ta cla pa hunga contra di ATCO Indians

ORANJESTAD - Despues cu e Copa Mundial di futbol a termina, directamente su tras tabata tin e tremendo MLB homerun Derby caminda cu Yoenis Cespedes, pa di dos aña tras di otro ta gana e Derby.

Diamars, tabata tin e MLB All-Star Game tambe, ca-

minda Derek Jeter ta sigui cu su farewell tour y alabes AL ta gana NL. Akinan, Mike Trout a sali MVP di wega. Sigur un wega candeloso. Nos tabata tin tur e eventonan internacional, pero nos no mester lubida riba nos talentonan di baseball local.

Awe lo bay tin un choke di e grandinan, e rivalnan di

siglo 21, caminda Red Machine lo bay enfrenta ATCO Indians. Aña pasa Red Machine a elimina ATCO Indians den semi final, pero e aña aki ATCO Indians ta invicto keto bay. Tur hende por corda, e record di 10 aña campeón consecutivo di Red Machine y den añanan 80 y 90, ta Marlboro tabata e team inbatibel, pero na

cuminsamento di siglo 21, ta Indians a cuminsa piki nan campeonatonan y a yega te 6 aña consecutivo, pero nan mester cuminsa bek na 1 si na kier cuminsa cu un otro streak.

Pues awe, Red Machine ta premira un candeloso wega na Stadion Nadi Croes/ Crismo Angela pa 7:45 di anochi y directiva y hunga-

donan ta invita tur fanaticonan di Red Machine y ATCO Indians pa ta presente. Corda cu ta vakantie, pues esaki ta lo ta ideal pa disfruta den famia. Pa mas informacion di Red Machine, no pensa dos biaha pa subi www.iscorebaseball.com/redmachine, of nos facebook page www.facebook.com/redmachinearuba. □

Alemania ta lider di e clasificacion di FIFA



ZURICH, Suisa (AP) — Alemania a subi na prome lugha den e clasificacion di FIFA, despues di a gana e Mundial, pa prome biaha den 24 aña.

Alemania, cu a derota Argentina 1-0 diadomingo ultimo pa su di cuater Copa, a reemplasa e ex campeón Spaña na prome lugha. Argentina a avansa tres lugha pa ta na di dos lugha, mientras cu Hulanda a bula 12 lugha pa logra ta na di tres lugha, mesun lugha cu Brazil a ocupa despues di e derota di e anfitrión.

Door di a yega pa cuarto di final pa prome biaha den su historia, Colombia a ocupa e cuater lugha den e rango, sigui pa Belgica; e clasificacion a tuma na cuenta e 64 wega di Mundial di Brazil. E selec-

cion di Brazil a cay te na di shete lugha, despues di a ocupa e number cuater prome cu e torneo, mientras cu e siguiente den e tabla tabata Chile, cu a pasa na di ocho di final y a ubica na e posicion number 12.

Merca a keda na number 15, mientras cu Costa Rica cu a yega cuarto di final, ta na di 16 lugha, mientras cu Mexico, cu a clasifica pa di ocho final a keda na di 18, un lugha tras di Croacia, cu no a pasa e prome rond y a wordo derota pa e team Mexicano.

E defensa di titulo di parti di Spaña, a termina sorpresivamente den e etapa di grupo y e team a cay na di ocho lugha. E eliminacion den e prome rond a manda Portugal te na di diesun lugha, shete bou su



ubicacion anterior, mientras cu Italia a perde cinco posicion, pa keda na di 14, mien-

tras cu Inglatera a sink te na 20 lugha di ta den e 10 prome cu e mundial. □

Van Gaal a pidi tempo pa impone seyo na Manchester United

MANCHESTER, Inglatera (AP) — Louis van Gaal a tene cuidou di haci cualkier promesa di rebiba Manchester United di biaha.

E tecnico Hulandes, cu a hiba e seleccion di su pais na di tres lugha den Mundial di Brazil, a wordo presenta formalmente ayera, como e persona nobo encarga cu e team Ingles, Manchester United. Van Gaal ta e sucesor di David Moyes, kende a wordo despedi na menos di un aña di tuma e lugha cu Alex Ferguson a laga esaki bashi.

Bou e direccion di Moyes, Manchester United a pasa di ta campeón di Liga Premier a



termina na di shete lugha den e clasificacion y no a clasifica pa e competencianan Europeo. Ora di a papia cu periodistanan pa prome biaha den e stadion Old Trafford,

van Gaal a bisa cu e mester tempo prome cu haci cualkier prediccion di e posibilidad di e club pa e proximo campaña.

E Hulandes a bisa: “Mi tin



cu mira con e hungadonan ta actua bou mi filosofia, y con lihe nan ta adapta na esaki.” E club tambe a informa cu e medio campo Michael Carrick no lo hunga durante e

dos prome luna di e campaña, pasobra el a wordo sometido den un operacion di enkel. Carrick a lesiona e ligamento e siman aki durante un training, y a wordo opera ayera. □

Despues di un bon trabou den Mundial

West Ham ta cumpra e delantero Ecuatoriano, Enner Valencia pa cinco aña

DUBLIN, Inglatera (AP) — E team di West Ham United di e Liga Ingles a anuncia ayera e compra

e delantero Ecuatoriano Enner Valencia, pa cinco aña, e autor di e unico tres golnan cu su seleccion a

anota durante Mundial di Brazil.

E actuacion valido di e ex hungado di Club di Futbol Pachuca, den e prome division Mexicano, su paspoort pa e “premier” pa un cantidad cu no a wordo divulga pa e team. Valencia di 25 aña ta incorpora den e fila di West Ham, asina cu e ricibi e permiso di trabou di autoridatnan di Reino Uni y tin premira pa biaha cu e resto di su compañeronan pa New Zealand pa un gira di pre temporada.

“West Ham United ta contento pa anuncia cu e gran delantero internacional di Ecuador Enner Valencia ta bira e di cinco compra di



zomer,” e club di London a bisa ayera riba su pagina di web. Den e nota, su directiva a destaca cu e delantero

a “deslumbra enormemente” despues di a logra tres gol cu su pais den e Copa di Mundo. □



Kristoff a gana etapa diesdos di Tour di Francia



SAINT-ETIENNE, Francia (AP) — Den un oportunidad di huy, Alexander Kristoff a gana cu un sprint, e etapa 12 di Tour di Francia, mientras cu e Italiano, Vincenzo Nibali ta mantene e jersey geel.

Kristoff a sali di e grupo cu

tabata core cu velocidad y a mantene dos competido cu a trata di scapa ora cu tabata falta menos di shete kilomenta di e etapa. Kristoff, kende a impone e aña aki e careda di Milan-San Remo, a hisa su man y a grita ora el a crusa e linea di meta dilanti di e Slovaco Peter Sagan, kende a



yega na di dos luga y e Frances Arnaud Demare na di tres.

E especialista den sprint di Noruega a haci solamente e mayoria di trabou: e team Cannondale di Sagan y e Giant-Shimano a alterna dilanti e grupo te na final di e recorrido, pero Kristoff a prepara su atake perfectamente, sin tin ningun di su compañero di team Katusha cerca.

“Finalmente mi a gana y mi ta contento,” Kristoff a bisa,

kende a agrega di a haci dos sprint anterior den e Tour. “Tabata ora di a gana.” “Tabata tin hopi presion riba mi na Noruega. E aña aki, mi ta e unico di Noruega cu ta competi.” Kristoff a marca su ritmo dilanti e ausencia di dos rival grandi: Marcel Kittel, coredo di e team Giant-Shimano, kende a gana tres etapa, y a bandona e recorrido, y su compatriota Andre Greipel, kende a bay cu etapa seis, a cay den e ultimo kilometernan. □



CLASIFICADO

TAROT

Guia Espiritual, especialista en orientación familiar de pareja, limpieza de casas y negocios “TRABAJOS GARANTIZADOS”. Más de 10 años de experiencia. Confidencialidad y seriedad. Telf: 561-7714 / 746-7291 / 6008733

202321

Servicio

Auto Bieu
nos ta piki tur sorto di auto bieu, completamente GRATIS tambe nos ta piki airco, bateria, stoof, wasmashin, fridge, etc.
Yama nos na
Telf: 561-4297 / 592-576

202302

VACATION SPECIAL

Reduced price
week 31 / Aug2-9
Aruba Beach Club \$650,=up
Casa del Mar
2 bedr / 2bath 6p \$950
Call 583-4403/560-3297

202342

TA BENDE

un Kia Picanto automatic 2005. Pa mas informacion yama 564-4334 / 583-1606 / 585-9219

202343

Talansky for di Tour di Francia cu dolor di lomba



BOURG-EN-BRESSE, Francia (AP) — E ciclista Mericano Andrew Talansky a retira ayera for di e competencia Tour di Francia, un dia despues di a core algun ora cu dolor di lomba.

Talansky a bisa, cu su curason ta “absolutamente kibra pa bandona Tour di Francia” pasobra “mi a traha mi temporada rond di e Tour



y e team a sostene mi henter caminda.”

E ciclista di 25 aña a termina diaranson durante etapa 11, mas di 30 minuut patras di e ganado Tony Gallopin, hasta

el a baha di su bicicleta na un etapa, wantando su lomba parti abou y sinta pa algun minuut, pa laga e dolor pasa.

El a spera cu e descanso di anochi lo resolve e problema,

“pero esaki a demostra di ta di mas.” Dokter di team Garmin-Sharp, Kevin Sprouse a bisa cu “Andrew ta sufriendo efectonan cumulativo” di accident consecutivo den e etapanan di siman pasa. □

Real Madrid a cumpra medio campo Aleman Kroos



MUNICH, Alemania (AP) — E medio campo Aleman Toni Kroos a uni Real Madrid cu un contract di seis aña, for di Bayern Munich.

Real Madrid a indica cu Kroos di 24 aña y miembro clave di e seleccion Aleman cu a gana e Copa di Mundo di 2014, a wordo presenta ayera na stadion Santiago Bernabeu. Ni

Real Madrid, actual campeon di Liga di Campeon, ni Bayern, campeon di Bundesliga Aleman, a publica e prijs di compra. Kroos a wordo eligi como e

miho hungado den Mundial sub 17 na 2007, unda cu Alemania a termina na di tres. E hungado a yega Bayern, ora cu e tabata tin 16 aña y a pasa 18 luna cedi na

Bayer Leverkusen antes cu el a regresa Munich. E tabata un hungado titular habitual desde cu e coach Pep Guardiola a tuma na mando e team e temporada anterior. □

CBF a termina contract di Carlos Alberto Parreir

Gilmar Rinaldi como coordinador tecnico nobo di Brazil



sede di e entidad na Rio de Janeiro.

Cu e nombramento di Rinaldi a keda descarta Leonardo, otro di e nombrenan cu a zona como posibel substituto di Parreira. E ex lateral, campeon mundial cu Brazil tambe na Merca 1994, tabata e director di futbol di Paris Saint Germain Frances entre 2011 y 2013.

E seleccion Brasileiro ya tin cuater wega amistoso programa prome cu e aña caba. E dos prome weganan lo ta na september na Merca contra Ecuador dia 5 y contra Colombia, tres dia mas despues. □



RIO DE JANEIRO, Brazil (AP) - E ex keeper Gilmar Rinaldi, campeon di mundo na 1994, a wordo nombra ayera como e coordinador tecnico nobo di e seleccion di futbol di

Brazil, funcion cu Carlos Alberto Parreira tabata haci te na final di Mundial 2014, ora cu e Confederacion Brasileiro a termina su contract, hunto cu esun di e tecnico Luis Felipe

Scolari.

Rinaldi, di 55 aña y di tres keeper di Brazil den Mundial di Merca 1994, lo participa den eleccion di e tecnico nobo di Selecao, cu lo wordo anuncia den e proximo dianan.

“Gilmar Rinaldi lo ta e coordinador general nobo di tur e seleccionnan di Brazil,” e president di e Confederacion Brasileiro di Futbol (CBF) Jose Maria Marin a bisa den un rueda di prensa, teni na e



Poesia y Musica na Cuba's Cookin



ORANJESTAD- Riba e anochi di diaranson 16 di juli, un grupo grandi di hoben a reuni pa un anochi yena cu poesia y musica na Cuba's Cookin.

Pa un 8or di anochi e poesianan a cuminsa lora, incluy-

endo presentacionnan di tur e studiantenan di e disciplina artistico di skirbimento, di Art Rules Aruba. Djey Pete Philly directamente for di Amsterdam a tuma e escenario. Pero e luho di e anochi tabata e presentacion super acoustico di e cantante di

Corsou Levi Silvanie. Sr. Silvanie a sinta riba un stoel cu su guitarra y pronto tur hende den audiencia a cuminsa canta cu ne, y despues di esey, nan tabata kier potret cu ne tambe. Durante e anochi un di e fundadonan di Art Rules Aruba, esta Ayra Kip. A subi pa lesa un poema, despues cu e escritora local Rosabelle Illes a gar'e desprevi y bis'e p'e subi lesa algo. Sra.Kip a splica cu e poema tabata producto di su mentalidad 7 aña pasa, ora cu e tabata traha den mundo di noticia. Otro presentacionnan tabata inclui Maria Silva cu ta e persona cu orginalmente a crea anochi poetico na Cuba's Cookin conhuntamente cu e propietario Douglass Markus. Sra. Silva a conta cu e la cuminsa cu anochi poetico un 15 aña pasa, y cu antes nan tabata wordo masha poco atendi, pero cu nunca nan a stop, pasobra semper e la pensa cu algun dia mas hende lo bin. Cu tempo anochi poeticonan na Cuba's Cookin a cuminsa bira popular entre hobennan, y un a keda bisa otro. Awendia e hobennan ta reuni 1 biaha pa luna, riba e prome

dialuna di luna, pa declama. E anochi ta conta cu locual ta wordo yama un "open mic",

caminda tur hende ta liber pa expresa locual nan ta sinti. □



Taittinger e champagne oficial di Copa Mundial 2014 a entretene invitado na Texas De Brazil



ORANJESTAD – E artista di biña, Clive Faustin a invita amantenan di champagne pa gosa na Texas de Brazil e relanciamiento di e champagne Taittinger, un sponsor di FIFA 2014. E grupo di bankero, dokternan y profesionalnan den sector hotelero a disfruta di pura exclusivamente 3 diferente champagne.

Conduci pa sr. Faustin y su crew di Romar Trading Company, asisti pa Ruchen Coffie un miembro di maneho di Texas de Brazil. Entusiasmadamente sr. Faustin a introduci e grupo na e 3 diferente sortonan cu tabata e “nicely chilled house non-vintage variety”, “the pale pink Rose Taittinger Brut Prestige “, “top-of-the-line Blanc de Blanc “ produci den e gran vintage years pa sirbi como e expresion di e experiencia di Taittinger champagne. Romar Trading Company actualmente ta ofrece e 3 champagnenan aki na un prijs special pa cera Copa Mundial cu un tono festivo. □



60+ tambe riba campamento durante vakantie



ORANJESTAD – Durante vakantie grandi no ta solamente hopi mucha of hoben cu ta bay un campamento.

Club Kibrahacha na Piedra

Plat tambe ta organisa uno pa su miembronan cu ta un tiki mas di edad.

Pero e cantidad di pret ta keda mesun grandi y riba potret por wak e alegria di e participantenan ora di bay

keiro cu bus. Cu musica y cantando e trip ta bay diferente luga y actividad. Otro siman 22, 24 y 25 juli tambe tin 'campamento'. Pas mas informacion, por yama 582-8159. □



Tempo uitzendkracht ta ricib 10.000 Fun Miles

ORANJESTAD - Jeanine Brete ta contento cu e 10.000 Fun Miles cu el a ricibi na Tempo Aruba. Fun Miles ta e programa di spaar y cambia punto di mas grandi di Caribe y Tempo, e uitzendbureau di mas grandi. Hunto nan ta percura pa mas 'fun' riba e mercado di trabou.

Tempo Uitzendbureau ta recompensa nan uitzendkrachtnan cu Fun Miles adicional riba nan salario. Pa e trahadornan esaki ta un bonus atractivo cu cua nan por haci hopi cos. Empresanan cu ta busca trahado via Tempo, danki na e beneficio aki, por tin e siguransa di haya trahadornan extra motiva. Ta un di e hopi formanan mas cu Tempo ta crea situacionnan 'win-win' riba mercado di trabou.

10.000 Fun Miles

Cada kwartal tur uitzendkracht cu ta traha via Tempo Aruba y cu tin un carchi di Fun Miles ta haña chens di gana e premio principal di 10.000 Fun Miles. Interesante pasobra cu 10.000 Fun Miles bo por haci masha hopi cos manera; bai come afor anochi, cumpra carchi pa un of mas evento, of hasta cumpra un pasashi pa bo bi-aha.

Jeanine tawata hopi contento cu su premio bon mereci. Jeanine ta un empleado cu animo y dedicacion pa su trabou, el a haya un bon evaluacion di trabou y p'esey a merece e premio di Uitzendkracht di segundo kwartaal di 2014.

Nos di Tempo Aruba ta desea Jeanine hopi exito pa futuro. Riba potret nos por mira e ganador ricibiendo su pre-



mio for di Nadia Janati representante di Mercadeo di Tempo Caribbean y Arlene

Jimenez-Peña Recruitment Consultant di Tempo Aruba.

Tempo semper ta reconose e bon trabou haci door di cada trahado. □

Arthur Kelly a cumpli 25 aña aportando na e industria Turistico di Aruba



ORANJESTAD- Den un ambiente hopi ameno y alegre a celebra, hunto cu Gerencia di La Trattoria el Faro Blanco Restaurant, Coleganan, rumannan y Famia, e hecho cu Arthur Kelly a cumpli 25 aña laborando y contribuyendo na Turismo aki na Aruba.

Sra. Betty Werleman, Directora di La Trattoria el Faro Blanco Restaurant, a recorda cu sr. Kelly despues di a studia bestuurskunde na Corsou, na aña 1989, a cuminsa traha na Playa Linda Beach Resort hunto cu Sra. Werleman y danki na sr. Kelly su monoton di habilidadnan, el a sa di crece. Sr. Kelly a cuminsa den departamento di accounting y na aña 1990 el a ricibi promocion pa Food & Beverage Comptroller. Sr. Kelly na hopi ocasion tawata reemplasa e Food & Beverage manager. Asina na aña 1991 sr. Kelly a bolbe ricibi un promocion unda el a bira Food & Beverage Manager. Na 1992 sr. Kelly a bay studia na Hulanda cu un beca di e compania, unda el a completa su estudio den hospitality na Hotelschool Den Haag. Finalmente, na aña 2000, sr. Kelly a acompaña Sra. Werleman pa La Trattoria El Faro Blanco Restaurant, unda cu awo sr. Kelly ta cumpliendo 25 aña laborando den e ramo di turismo na Aruba.

Durante e celebracion, Sra. Werleman a enfatisa cu lealtad, amor pa su trabou y humanidad, su habilidad excelente pa comunica, su perseverancia den perfeccion, su responsabilidad y habilidad di negocia, acompaña pa hopi compasion, ta e caracteristicanan cu sr. Kelly a sa di demostra durante e ultimo 25 aña nan. “Mi por ta tranquil cu sr. Kelly ta manchando La Trattoria el Faro Blanco Restaurant”, Sra. Werleman a bisa.



Gradiciendo sr. Kelly pa semper tawata para cerca di sra. Werleman como un persona cu ta tuma responsabilidad pa su actonan, ta kere firmemente den su mes y cu ta pone su curason den su trabou. Sr. Kelly a ricibi varios regalo y e acostumbrado envelop.

Miembronan honra na Aruba Divi Phoenix



ORANJESTAD- Recientemente Aruba Tourism Authority (ATA) tabata tin e gran placer di honra un pareha hopi leal y amigabel, como bishitantenan distingui. Sr. Burton y Sra. Sharon Sorensen di Maryland Baltimore. E honoracion ta wordo presente na nomber di minister di turismo, como un muestra di aprecio pa bishitantenan cu a bishita Aruba entre 10 pa 19 aña


Tur e pareha ta miembronan leal di Aruba Divi Phoenix, y nan ta stima Aruba masha hopi mes, pa motibo di su hendenan amabel, e clima, e lama y e restaurantnan. E experiencia multi lengual. Pa nan Aruba ta sinti manera un segundo cas y e empleadonan di Aruba Divi Phoenix ta manera famia pa nan y Aruba Divi Phoenix ta nan cas leu di cas. E certificadonan a wordo otorga dor di Sr. Ernest Giel representante di ATA y Sra. Pearl Lake conhuntamente cu Sra. Stephany Wong representando Aruba Divi Phoenix.



Advertorial

KFC ta introduci “Hot Rods Combo”

2 pida saté di galiña, batata hasa, refresco y saus di pinda home made...So Good



ORANJESTAD - Be Smart Deals di KFC a pensa riba un otro tremendo receta pa complacer su clientenan cu ta gusta saté di galiña cu saus di pinda. Ta trata aki di “Hot Rods Combo”.

E mesun galiña dushi di KFC cu ta wordo prepara den e restaurant, cu su 11 herbs secreto, e biaha aki ta

bay na un stik. Purba e super special “Hot Rods Combo” na KFC. Disfruta di 2 saté di galiña, un dushi saus di pinda, batata hasa y su refresco pa solamente 7 florin cu 55 cen. Entrante awe pasa busca e “Be Smart Hot Rods Combo” na e KFC di bo preferencia sea na Sta. Cruz cual tin un Drive Thru pa e clientenan cu no kier baha for di auto. Of na KFC su localidad den centro di

Oranjestad, of tambe su localidad mas nobo cu ta KFC na Palm Beach, den cercania di tur e high rise hotelnan.

No lubida cu nos localidad na San Nicolas ta den renobacion pa duna bo un miho servicio. KFC ta corda bo tambe pa like nan Facebook page [fb.com/KFC](https://www.facebook.com/KFC) asina bo ta keda na altura di tur e tremendo ofertanan. KFC so good!

Cu un total di 83 pais

YMCA Aruba a participa na di “18th World Council”

ORANJESTAD -- Cada 4 aña “World YMCA” ta organisa un “World Council” pa evalua y determina e plan strategico mundialmente. En total 83 pais a participa na e World Council cu un total di 1300 participante. E evento a dura 9 dia y ta encera diferente workshops, presentacionnan, debate, sessionnan den grupo y “Civic Engagement Excursions” rondona di e “Rocky Mountains” na Colorado, na Merca.

Mundialmente YMCA tin un presencia den 119 pais, envolviendo 58 milyon persona. Pa e siguiente 4 añanan World YMCA lo enfoca riba empoderando hobennan, desaroya recursonan, comunicacion y fortificando e organisacion di YMCA.

Pa medio di diferente programanan manera “Change Agents”, YMCA ta traha pa empodera hobennan via actividadnan, cursonan y biahando rond mundo pa debati riba topiconan manera liderazgo, responsabilidad comunitario y participacion global cu e meta pa empodera hobennan rond mundo.

YMCA Aruba ta orguyoso di



por ofrece nos comunidad diferente programanan social pa tur categoria di edad. YMCA ta trahando duro pa ofrece mas programa pa hobennan di Aruba. Pronto

YMCA lo anuncia diferente programanan nobo.

YMCA Aruba ta gradici CEDE Aruba pa haci e participacion un realidad.

YMCA Aruba a wordo funda 56 aña pasa pa Bob Steele, kende a mira un necesidad pa bin cu un luga pa hobennan, pa evita cu nan lo ta riba caya. Cu e lema “Without a cent, but with hope and prayer”, un grupo di persona a cuminsa cu e organisacion cual y na 1958 a logra inaugura su prome edificio na Aruba.

YMCA tin como meta pa crea personanan util y habil den nos comunidad pa medio di brinda guia y motivacion, pa asina nan ta un influencia positivo riba nan contemporaneonan. YMCA Aruba a expande su programanan pa inclui programanan pa henter famia tambe, na añanan setenta. Golden Agers, cual ta cumpli 50 aña e aña ki y Y’s Man a hunga un rol importante den e programanan, creando fondo pa inverti den YMCA.

YMCA ta ofrece diferente actividadnan manera campamento pa mucha y hoben, recreacion deportivo manera p.e. volleyball y basketball y



otro deporte, como tambe eventonan social. YMCA a cuminsa cu e prome

“Tra’i Merdia” na Aruba, yama Y’s Care (YMCA Care) 23 aña pasa. □



“Dios ta amor y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi”
Salmo 33
Cu inmenso tristeza na nos curazon pero agradecido pa tur locual
Pepe a significa pa nos, nos ta anuncia fayecimento di:



Jose Ramon Alzamora
Mihor conoci como “Pepe”
*19-06-1930 †14-07-2014

Na number di su:
Esposa: †Rinolfia Guillermína Kock
Yiunan: Franklin y Olga Granadillo-Antonette y famia
Ruthmila y Ronny Donata-Granadillo y
famia
Mireya y Esy Geerman-Granadillo y
famia
Joraine y Pablo Romero-Granadillo y
famia
Ginette Franken
Swa y Cuñanan: Vda. Enfi Tromp-Kock y famia
†Maria Kock y famia
Vda. Rina Werleman-Kock y famia
Elda y Silo Tromp-Kock y famia
†Du Kock y famia
Chito y Gloria Kock-Salazar y famia
Ronny y Rulfia Kock-Werleman y famia

Tur amigo y conocirnan
Adres pa condolencia: Aurora Funeral Home, Cumana 76, dialuna 21
juli 2014 di 7’or pa 9’or pm. E restonan Mortal di “Pepe” lo bai crema
na Corsow.
Dispensa nos si den nos tristeza nos por a lubida un of otro famia
Nos ta pidi nos disculpa cu despues di entierro nos no ta ricibi bishita
di condolecta na cas.

“Laga tur locual ta sperami ta bunita.
Laga tur cu mi encontra na caminda ta
bunita.
Laga tur locual cu ta rondonami ta bunita.
Laga tur locual mi ta laga ‘tras, keda bunita
y laga esakinan termina den tur buniteza”.
Cado Wever

Cu inmenso dolor y tristeza na nos cura-
zon nos ta anuncia fayecimento di:



James Adolfo Every
*27-12-1938 - †16-07-2014

Acto di Entiero lo wordo anuncia despues

“Señor ta mi wardador, mi’n tin falta di
nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa”.
Salmo: 23

A fayece Cristianamente :



Sra. Juanita Geerman-Croes
mihor conoci como: "Johanna"
*24-11-1922 †15-07-2014
Viuda di Eduardo "Wawa" Geerman

Na number di su:
Yiunan:
Nichi y Buchi Arends
Ciro y Corrie Geerman
Susie Geerman
Leo Geerman
Eddy Geerman
Ruben y Carrie Geerman
Esmeralda y Oscar Hernandez
Vivian y Eddy Lee
Nieto y nieta: Randy y Beatriz Arends
Ricky y Tatiana Arends
Rosy Arends
Marc y Roosje Arends
Ramon Geerman/ Malou Geerman
Erin Geerman/ Alex Geerman
Matthew Lee
Bisanieta/a: Carolina/ Gabriela
Nathan
Mace/ Maya
Rumannan: Candida de Cuba
Dienchi Croes
Mani v/d Linden
Bertrand Croes
Didi Croes

Primo y primanan, cuñanan, sobrino y so-
brinanan, comer y comper y ihanan
Famia: Geerman, Croes, Arends, v/d Perk,
van Gelder, Hernandez, Lee, de Cuba,
Schwengle, Solognier

Acto di entierro lo tuma lugar dialuna 21 di
juli 2014 di 9’or pa 11’or di mainta na misa
Inmaculada Concepcion, despues pa San-
tana catolico Santa Maria na Sta. Cruz.

Diasabra 19 di juli 2014 lo tin oportunidad
pa condoleer na Aurora Funeral Home di
7’or pa 9’or di anochi.

Bo atencion na nos Mama su despedida lo
ta altamente aprecia.

Gradicimento y invitacion

Na number di Albertico y Robert van
der Linden y demas famia, kier a gradici
tur esnan cu na un of otro manera a de-
mostra nan atencion y sosten durante
fayecimento y entierro di nos Mama sti-
ma:



**Sra. viuda Carmen van der
Linden-Croes**

Alavez nos kier a invita pa 3 santo sacri-
ficio di misa pa descanso di su alma na
misa Sagrado Curason di Hesus na Sa-
vaneta cual lo tuma lugar diasbra 19 di
juli, dialuna 21 di juli y diawebs 24 di
juli pa 7’or di anochi y despues lo tin un
rosario na cas; Savaneta # 358.

Boso presencia lo ta altamente aprecia.

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu honda pena, pero conforme cu boluntad di
Dios ta anuncia fayecimento di:



Eloy Enrique Lopez
cariñosamente yama "Loy"
*08-10-1944 †12-07-2014

Acto di entierro lo wordo anuncia despues.

“Señor ta mi wardador, mi’n tin falta di nada
Den cunucu di yerba berde e ta ponemi sos-
ega.
E ta hibami na awa trankil,
Pa mi bolbe haña forsa”.
Salmo: 23

A fayece Cristianamente :



Marco Rolando Croes
mihor conoci como: "Lalachi"
*05-03-1955 †16-07-2014

Ta invita pa e acto di entierro cu lo tuma
lugar diasabra 19 di juli 2014 na Aurora Fu-
neral Home di 2’or pa 4’or di atardi, despues
lo sali pa Santana Playa.

Adres pa condolencia: Aurora Funeral
Home, diabierna 18 di juli 2014 di 7’or pa
9’or di anochi.

Despues di un lucha largo a bay drumi den brasa di señor
mi Esposa, nos Mama, Wela, Ruman y Tanta:



MARIANITA REYES-DE WINDT
mihor conoci como "Inchi"

Na number di su
Esposo: Francisco “Papa” Reyes
+ Shirley Gonzales-Reyes y fam.
Franklin Reyes y fam.
+ Francis Reyes
+ Roland Reyes y fam.

Nieto y nietanan
Rumannan: Sra. Vda. Mathilda Gomzalez-de Windt y
fam.
Alejandro y Ann de Windt-Philips y fam.
Marcelino y Marcia de Windt-Benschop y
fam.
Sra. Vda. Josette de Windt-Bernier y fam.
Sra.Vda. Vilma de Windt-Engelhardt y
fam.

Primo y primanan, sobrino y sobranan y demas famia:
de Windt, Reyes, Henriquez, Ridderstap, Ras, Croes,
Bernier, Gonzales, Engelhardt, Philips, Benschop, Famia
Reyes na Corsow y Boneiro.

Ceremonia di cremacion lo tuma lugar na Florida, U.S.A.

Adres pa condolencia: The Plive Tree Funeral Home na
San Nicolas, Dialuna 21 di Juli di 7’or pa 9’or di anochi.
Alaves nos ta invita boso pa un santo sacrificio di misa na
Misa Santa Theresita na San Nicolas, pa descanso di
alma di nos defunto stima, cual ta tuma lugar: Diahuebs
24 di Juli ‘14 pa 7’or di anochi, boso presencia ta
altamente aprecia.

PASA LAGA BO AVISO NA OFICINA DI BON DIA ARUBA WESTSTRAAT #22 OF MANDA BO AVISO VIA EMAIL NA: michael.arends@cspnv.com



PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

TE KOOP

Mooi eigendoms terrein in rotsachtig jaburibari paradera aruba bel aiky odor. Voor meer informatie bel: **002975630949 bbbpin mena 298759d5.** met bouwvergunning. Prijs: afl. 90.000,=

SERVICIO PUBLICO

Mata ta pari fruta y bo no ta haci nada cu nan? Mi ta pikinan. Pa mas informacion yama **Cel: 568-3541**

TA BENDE

I-phone 4-S Afl. 750,- nobo./new den caha 16GB, unlocked open phone cu tur accesorios y case **Tel: 745-5550**

TA BENDE

Un Split Unit Hilux 9000 Btu 2012, poco uza pa Afl. 500,= Pa mas informacion **Tel: 594-2852**

TA BENDE

Un Delco Honda powermate 8750W, 125/240V gasoline 8 Gallon 13hr running time. Prijs Afl. 2000,= Pa mas informacion please yama **Tel: 594-1985**

SERVICIO PUBLICA

Nos ta fura ata bo solution contact nos POWER BY ROBERT UPHOLSTERY. Y nos lo laga nan manera nobo back. Pa mas informacion **Tel: 5621199 / 5921252.**

GRATIS

Pasa busca GRATIS Bo Vuvuzela di Hulanda of Brazil na Bubali 11-M cortesia di Dr. Henk Marsman. Practice for advanced Dentistry Orario: 8:12/2-5 op=op

TA BUSCA

Huiswerkbegeleiding of Bijles pa Mucha di 2de klas basis school. Pa mas informacion **Tel: 565-5761**

TA BENDE

Un Chevrolet Camaro 2012, V-8 cu un motor 6.2. liter. Color cora. Brand new **Tel: 593-7933**

SERVICIO PUBLICO

Handyman servicio di chapi, corta mata, verf, plumbing. Haci cura limpi, y hopi mas. Pa mas informacion **Tel. 568-3728**

TA BENDE

Chupabebe - Dulce de Leche - Ponche Crema especialmente pa Communion y demas celebracion. Pa mas informacion **Tel: 5628545 of 5636915**

TA BENDE

Un bunita bisti pa primer Santa Comunion, size 10 pa 12 masha elegante Esun cu bin prome lo haya bon prijs. **Tel: 7418637**

SERVICIO PUBLICA

Trabaonan chikito di mantenimiento na cas y nogoshi. Pa mas informacion **Tel 744-0813**

TA BENDE

Aruban Cunucu house in Santa Cruz, on 2000 m2 land with rocks and boulders. Three bedrooms, 2 bathrooms, 1 study, large living room and a huge kitchen. Super good price! **Call 7382828**

TA BUSCA

Trabao pa limpia cas, y tambe ta skrika. **Tel: 743-5966**

TA BENDE

Mata di moringa, sorsaca, mango -machete (mango sin cabey) franse bloem, corianda ginger, gayena y otro mata na Santa Martha #12 **Tel: 564-4456**

TA BENDE

Un scooter volcan '07 bon condicion. Pa mas informacion yama **Tel: 594-9069**

LES DI LANDAMENTO

Priva of den grupo, mucha di 3 aña bai ariba. Nos ta prepara mucha pa tur diploma. Profesional den e ramo **Tel 594-9069**

TA BENDE

Auto Chevrolet Spark '09 aircro split unit, Et di cama y nachtkasjes, osterizer, frigidaire y strika, stoof chiquito 4 candela y forno **Tel: 568-3756**

TA BENDE

Cumputer cu monitor, scanner, keyboard, mouse, lesenaar y stoel di oficina Afl. 2500,= pa mas infor **Tel: 594-9990**

TA BENDE

Un Delco Ai Power 4250W 125/240V gallon 13hr running time. Nobo nobo den su caha nunca usa. Prijs special awor Afl. 800,= Pa mas informacion **Tel. 594-1985**

TA OFRESE

Saliendo con encomiendas a Bogota - Cali 24 de Junio, el kilo Afl. 10,= Apostillamos documentos en Caracas. Pa mas informacion **Tel: 565-0168 / 641-9165**

TA BENDE

Instruments musical pa forma banda musical Prijsnan ta discutibel. Pa mas informacion **Tel: 594-5025**

TA BENDE

Suzuki Baleno pa Cumpra cu ta core of no ta core. Ta Busca Windshield pa Toyota Hiluz '92. Pa mas informacion **Tel: 5655761**

SERVICIO PUBLICO

Bolo y snacks pa tur ocasion, bolo for di Afl. 37,50 y snacks for di Afl. 0,75 pa mas information **Tel: 562-8643**

SERVICIO PUBLICO

Señora ta hasi trabao di hasi cas limpi. Tambe trabao di chapi, hardin y verf. Pa mas informacion **Tel: 742-7712**

TA BENDE

Un cas situa na Savaneta di dos piso 110m², erfpacht 418m². Prijs Afl. 215.000,= Pa mas informacion **Tel: 593-3867**

TA OFRESE

Un señora ta ofrese pa hasi cas limpi y strika, y cuida hende grandi. Pa mas info. **Tel: 600-5768**

TA BENDE

AIRCO HILUX SPLIT UNIT 220 V 12.MIL BTU ,AFLS 600,- CAMA COMPLETO DI 2 PERSONA ,afls 500,- STOOFF CHIKITO 4 Candela y forno casi nobo afls 300 **Tel: 5683756**

TA BENDE

Gordura ora bo cumpra 15 saco di Afl. 8,= Ora cumpra mas di Afl. 100,= na gurdura nos ta entreganan. Pa mas informacion **Tel: 564-4456**

TA HUUR

Un apartment 1 camber, baño, sala, muebla Afl. 1200,- pa 1 persona 2 persona Afl. 1500,= plus 1 luna deposito. Coriente apart. **Tel 594-9069**

BON DIA *Aruba*

Tel: 582-7800
Fax: 582-7044

E-mail:

noticia@bondia.com
aviso@bondia.com



"FAVI FUNDACION CU VISION"

Homenahe na ganadonan mundial di Jinete y Amazona

ORANJESTAD -- Aruba a haci un papel sublime den e "Campeona Mundial di Jinete y Amazona" celebra recientemente na e ciudad di Pereira, Colombia. Fuera di e varios atletanan cu a alcanza un posicion y numeracion den e final, 4 atleta di Aruba a logra medaya, di cual 3 di oro y 1 di plata.


Diabierna anochi ta tuma luga un homenahe pa e atletanan aki na Villa Floralina. E hazaña aki ta asina importante pa e keda sin haya e reconocimiento y aprecio di tur esunnan cu ta gusta e deporte aki. Aki lo ta e oportunidad ideal pa felicita nos atletanan y pasa un momento ameno cu nan y cu otro cabayistanan. □




Mutts




6 Chix



Blondie




Mother Goose & Grimm



Baby Blues



Zits



Conceptis Sudoku

			1			3		
	5			2			4	
9			5		4			
		1				2		6
	4			5			3	
7		8				1		
			6	7				8
	1			3			9	
		9		5				

Difficulty Level ★★★★★ 7/18

Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

Yesterday's puzzle answer

5	4	7	2	9	3	8	6	1
2	1	3	7	6	8	4	9	5
8	9	6	5	1	4	2	7	3
6	3	2	8	4	9	5	1	7
1	7	8	6	5	2	3	4	9
9	5	4	3	7	1	6	8	2
7	2	9	4	3	6	1	5	8
4	8	1	9	2	5	7	3	6
3	6	5	1	8	7	9	2	4

ACROSS

- 1 Take a break
- 5 Say
- 10 Small lake
- 14 ... more; again
- 15 Singer ... Judd
- 16 Feast at which poi is served
- 17 Zealous
- 18 Sudden downpour
- 20 Coloring solution
- 21 Clodhopper
- 22 Prose literary work
- 23 Gets closer to
- 25 Beer's cousin
- 26 Pounce on
- 28 President Woodrow ...
- 31 Idaho's capital
- 32 In a very unfriendly way
- 34 Compete
- 36 Upper room
- 37 Reads over quickly
- 38 Declare untrue
- 39 Inventor ... Whitney
- 40 Mixer speed
- 41 Author Jules ...
- 42 Climbed
- 44 Passes on, as a message
- 45 Uncooked
- 46 ...depressive; bipolar
- 47 Colorado resort
- 50 James ...; 007
- 51 Egypt's boy king
- 54 Indirect
- 57 Passport stamp
- 58 One of the Three Bears
- 59 Thickheaded
- 60 Kiln
- 61 Hot tubs
- 62 Spirited horse
- 63 Marries

1	2	3	4		5	6	7	8	9		10	11	12	13
14					15						16			
17					18						19			
20					21						22			
			23	24						25				
26	27								28			29	30	
31						32	33					34		35
36						37						38		
39					40							41		
	42		43								44			
					45				46					
47	48	49					50					51	52	53
54						55	56					57		
58						59						60		
61						62						63		

Created by Jacqueline E. Mathews 7/18/14

Thursday's Puzzle Solved

UNCAP	GRAM	SPUR
MOOSE	LUCE	GITE
PULLS	AGED	HATE
SNEAKERS	IRONED	
NILE	SAILORS	
ELATED	PANDA	
COB	REBUT	ERECT
HOOR	REMIT	SALE
OTTER	LANES	SUN
POLLS	PANTED	
MANATEE	CEDE	
OBOIST	PREDATOR	
ODOR	TRIO	ERODE
RUSE	EYES	SENDS
SLED	REDS	TRYST

(c) 2014 Tribune Content Agency, LLC All Rights Reserved. 7/18/14

- 38 Place to buy salami and rye
- 40 Flavorless
- 41 Peddle
- 43 Sports buildings
- 44 ... and raved; carried on
- 46 Small rodent
- 47 Weapons
- 48 Bather's bar
- 49 Cougar
- 50 Tibia or rib
- 52 Did drugs
- 53 Sunbathes
- 55 Commercial
- 56 Wager
- 57 Formal promise

DOCTER NA WARDA Oranjestad



Dr. Velasquez

EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

Oranjestad: St. Anna Tel: 586-8181
San Nicolas: San Nicolas Tel: 584-5712

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

Juli 18
Carnival Freedom



MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga
Aruba
(FADA) Tel: 583-2999

FUNDACION

Respetami
Tel: 582-4433

Diabetic Foundation

Arubano
Tel: 583-3808

Narcotics Anonymous

Tel: 583-8989

Foundation Amor pa Prohimo

Tel: 583-3345 /586-6976


Women in Difficulties

Foundation
Tel: 583-5400

Meteo Aruba:

Parcialmente nubla

ORANJESTAD – E tempo ta parialmente nubla, Localmente lama por tin olanan cu por yega di 5 te 9 pia; esaki generalmente na costa nort y den e pasashi entre e islanan. Den oranan di anochi lama por tin olanan di 5 te 9 di pia. Ta pidi usuarionan di lama pa tene cuenta cu esaki.



Tempo pa awe mainta
Shelo lo ta parcialmente nubla. Temperatura maximo: 33°. Indice ultravioleta: 7 Biento ta for di direccion oost, alrededor di 18 nudo, cu rafaga te 32 nudo. Posibilidad di awa ta menos cu 20%

Tempo pa awe nochi
Shelo lo ta poco nubla te parcialmente nubla. Lo bay tin leve posibilidad di awaseronan pasahero, despues di marduga. Temperatura minimo: 26°. Biento di oost alrededor di 18 kts, cu rafaga te 30 kts. □

Receta di

MAMA

Bon Appetit!



• BON APPETIT • BON APPETIT • BON APPETIT • BON APPETIT •

Beef steak den saus di biña

Ingredientenan:

- 6 slice di tenderloin
- 1 cuchara grandi di manteca of maragina Blue band
- 1 cuchara grandi di azeta di olijfi
- ¼ cup di ciboyo largo geslice
- ½ cup di biña corra seco Masia Bach
- 2 cuchara grandi di peterselie corta chiquito
- ½ theelep di salo
- Peper
- 2 cuchara grandi di manteca of margarina Blue band



Preparacion:

Hasa e slicenan di tenderloin den e manteca y azeta di olijfi. Bhiranun un biaha. Hasanan segun gusto. Strooi salo y peper riba nan y ponenan riba un schaal. Tenenan cajente. Den e mesun planchi hasa e ciboyo largo un rato pero no lage bira bruin. Agrega e biña, peterselie, un theelep di salo y un tiki peper. Drei nan cu un cuchara di palo pa asina e saus no pega. Cushine y drei e te ora e saus ta bubble. Drei 2 cuchara di manteca aden te ora e smelt. Basha e saus mesora riba e tenderloin. Sirbie cu batata hasa of machica y un salada di berdura.

Pa 6 persona



Aries

Traha den colaboracion cu un hende cu por causa efectonan fuerte y calido entre boso dos. Number di suerte 14,18,21 y 34.



Tauro

Amor, afecion, romance ta keda permanece rond di bo. Un unidad solido cu amigonan cercano, famia y bo pareha por brota durante henter dia. Number di suerte 11, 14, 24 y 36.



Geminis

Impresionnan fuerte di amigonan of miembronan di famia cu ta ausente por yega awe. Aunke algun di nan por resulta desconcertante. Number di suerte 8,16,24 y 35.



Cancer

Awe bo lo por intui fuerte sentimentonan di afecion pa parti di un hende na cual bo por ta atraí romanticamente. Number di suerte 3,15, 20 y 33



Leo

Bo amabilidad y bo bon manera por resulta recompensa. Un hende cu ta respeta bo hopi por ofrece bo un oportunidad pa avansa y aumenta bo ingreso. Number di suerte 6,16, 25 y 34.



Virgo

Amor y romance ta bay di maraviya awe. Si bo tin pareha, afecion ta sigui crece entre boso dos. Number di suerte 17,19, 31 y 48.



Libra

Bo tin un tendecia na intelectualidad. Awe bo lo por pone algun di bo conocimiento traha na un manera creativo. Number di suerte 8,11,21 y 31.



Scorpio

Un carta cariñoso of un yamada di un hende cercano por ta hustamente locual dokter a receta. Number di suerte 6,12,25 y 32



Sagitario

Awe bo lo por tin algun ideanan atractivo y nobo pa avansa den bo carrera y aumenta bo ingreso. E unico pregunta ta si bo por of no por sigui dilanti. Number di suerte 9,13,31 y 38.



Capricornio

Awe ta posibel cu bo por experimenta un grupo di ideanan spiritual. Esakinan lo por parse cla y apropia y por inspirabo pa pasa tempo dedica na muziek. Number di suerte 6,16,26 y 40.




Aquario

Por ta awe bo lo tin gana di haci cargo di un gran cantidad di papel. Bo lo sinti mentalmente fuerte y capas di ocupa di esey cu facilidad. Number di suerte 1,11, 25 y 37.



Pisces

Un evento social por pone abo den contacto cu algun amigonan bieu cu ta significa hopi pabo. E ocasion lo ta hopi calido y amabel. Aunke bo lo sinti un poco melancolico Number di suerte 4,14, 25 y 34.



0% DOWN PAYMENT

**AWE Y
MAYAN SO!**



amc unicon

Pa Credit bin cu ID Valido, 2 ultimo payslip, recibo di Elmar, Setar y WEB.
Pa clientenan stranhero otro exigencianan por ta aplicabel.

AMC Eagle Megastore - Tel:521-1160 • AMC Dakota - Tel:521-1150 • AMC San Nicolaas - Tel: 521-1170 | Horario: 9-6 Dialuna pa Diasabra.
www.amcunicon.com